

晚晴移詩匯

晚晴簃詩匯卷十六目錄

錢澄之 十七首

林古度 九首

劉城 十六首

許友 十一首

紀映鍾 十三首

余懷 十二首

徐延壽 七首

高兆 一首

吳嘉紀 十九首

陶澂 八首

龔賢 三首

程邃 二首

戴本孝 六首

戴移孝 一首

方文 十一首

丁之賢 二首

高國定 一首

季步騫 六首

張度 三首

唐允甲 二首

余紹祉 二首

崔冕 二首

晚晴縹詩匯卷十六

徐世昌

錢澄之初名秉鐙字幼光更字飲光桐城人有藏山閣

藁田間詩集

韓慕廬曰飲光少負盛名爲諸生祭酒遭明季崎嶇
喪亂與時消息其爲詩冲淡深粹出於自然度王孟
而及於陶矣朱錫嘯曰幼光禁網潛蹤麻鞋問道
或出或處或默或語詩屢變而不窮要其流派深得
香山劍南之神髓而融會之昔賢評陶元亮詩曰心
存忠義地處閒逸情真景真事真意真田間一集庶
幾其
近之
詩話田間爲諸生卽有聲於時與阮大鍼同郡夙與
相迓南渡後大鍼欲與大獄刊章輔治田間亡命走
浙而閩而粵崎嶇絕徼備嘗險阻歸里削髮爲僧名
幻光旣乃復冠帶詩五古近陶他體出入白陸原本
忠孝冲和淡雅
中時有沈至語

田園雜詩

仲春邁時雨既雨旋亦晴百草吐生意眾鳥喧新聲紛紛
羣動出各各有其營孰是形骸具而懷安居情秉耒赴田
臯叱牛出柴荆耒耜非素習用力多不精老農憫我拙解
輒爲我耕教以駕馭法使我牛肯行置酒謝老農願言俟
秋成

今晨放大牛水田調生犢穉子原上呼有客訪茅屋田烏
噪正喧招手去何速念此爲誰歟有馬又有僕舍耕還入
門友誼素云篤田潦溼我衣泥塗霑我足且爲解襪襪易
我揖讓服故人持不聽訝我未免俗呼兒出草堂敕厨炊
脫粟我去送牛來今夜留客宿

駕牛東臯上有客問我經我牛依田轉客亦隨我行請問
大易旨此理不易聽乾卦冠潛龍遯世去其名奇門稱遁

甲迺能役九星祇茲无首義可農亦可兵八卦周天轉六位以時成時哉不可背亦豈容將迎朝爲輦上客夕爲隴上耕斯義如轉圜指出子應聆顧客且安坐吾牛不肯停東園有嘉樹開花照昏曉一爲葛藟縈遂使枝條槁枝條既以盡葛藟縈未了我欲解其纏轆轤死相抱念此不能除斬斷乃爲好斬藤樹亦傷藤去樹以保今晨心目曠宿穢淨如掃樂哉嘉樹柯且復惜其老寄言種樹人此物去宜早

屋上春鳩鳴田家穀始播時雨催我還倚鋤檐前坐牧童去未歸雨聲聽漸大時雨豈不嘉所慮老牛餓自往喚牧童牽牛入闌卧我牛既以來我鋤行須荷田疇及時治况復雨初過亦知冒雨寒爲農焉敢惰

春天不久晴衣垢及時澣身上何所著敝襦及衿短家人
念我寒一杯爲斟滿酒滿不可多農事不可緩奮身田野
間襟帶忽以散乃知四體勤無衣亦自腴君看狐貉溫轉
使腰肢懶

人生會有盡行止非自由止亦不可趣行亦不可留如何
柴桑叟汲汲爲此憂終年痛飲酒冀以忘其愁吾身聽物
化化及事則休當其未化時焉能棄所謀有子亦須教有
田亦望收天心與人事何息不周流我不離世間而願與
天游焉能外親戚視之同聚漚乃知黃老書不如孔與周

雞鳴

冬已過半夜偏長愁人不眠獨在牀寒雞擁翰不肯叫老
鷓得氣山頭嘯山頭有虎伺人行偃鬼騎虎學雞鳴雞在

牆根鼓兩翅欲鳴不鳴時未至村南村北聞犬喧雞未三
唱勿出門窗前山鬼太無賴低頭樹下學人拜遙遙古寺
打鐘聲一聲一拜聲聲驚雞鳴一聲天下白千狀萬態從
此滅

湖孰種菜歌

金陵城東湖孰村中有隱者開平孫通侯甲第今已矣意
氣豪華無復存開平去今凡幾代五王之後惟君在往昔
爭言青門瓜如今獨數湖孰菜問誰種菜滿畦新一家生
計只三人終歲把鉏菜畦裏婦能炊飯兒負薪爲君婦亦
太辛苦嬌貴當年難比數翟珈賜出小侯妻珠翠裹成上
公女都人猶記嫁時裝如雲妾媵爛生光臺前照鏡輪梳
髻架上熏衣派管香一朝散去竟何有相對惟餘雙白首

早從府內厭笙歌，還向村中操井臼。村中井臼倚柴扉，賣菜還愁終歲飢。夜長不肯燃薪坐，十指侵寒綻故衣。東川子孫公主裔，妻孥行汲心常愧。聞說君婦盡傷情，無心更擬求奴婢。

梅花

何處花先放，向南三兩村。未春天似夢，徹夜月無言。且喜昏鴉散，毋嫌翠羽喧。眾芳久寂寞，賴汝照乾坤。離離壓殘雪，脈脈照溪濱。一任夜無月，何妨天不春。芳華憑俗賞，風味與誰親。祇覺閉門後，徘徊似有人。

葉聲

墜響空階靜，辭柯一葉乾。無風吹地走，不雨打簾寒。已覺掃堪惜，還憐踏欲殘。掩門深坐聽，山路正漫漫。

月夜過沈氏江樓

何處堪乘月沈家樓最明
晚來江更大秋到水初清
遠火移時隱孤舟犯夜行
市門催客去早是起更聲

別孫不害途中有懷

出街別孫楚驢背獨成眠
客影瘦殘照人聲喧渡船
魚罾爭鬧口牛路指墟烟
念爾柴關掩初抄秋水篇

暑中走椒嶺省方氏姊示諸甥

十七年前椒嶺路短驢疑在夢
中行兵烽幾度門無徑
靈雨初通澗有聲牛屋半楹啼
寡姊蔬盤一夜費貧甥老來
萬事心灰盡益重人間骨肉情

鳩茲酬張惕中

江頭破衲少知名脫粟親炊見爾情
痛入箭創陰雨夜夢

同輦鼓海潮聲國恩祇覺今生重交道誰言亂世輕傳說
敬亭會卧病又衝泥濘去宣城

廬山

匡廬入夢已多時乘興先探絕頂奇一路葉埋靈運屐合
山僧待子瞻詩雲鋪半嶺村猶霽雨在高峯客不知小豎
暗攜長笛至擬登五老向空吹

林古度字茂之號那子莆田人

王漁洋曰茂之居金陵年八十餘貧甚冬夜眠敗絮
仲其詩有恰如孤鶴入蘆花之句方爾止寄詩云積
雪初晴鳥曬毛閒攜幼女出林泉家
人莫怪兒衣薄八十五翁猶纏袍
詩話茂之早年會與曹能始鍾伯敬譚友夏諸公抗
手論詩年逾九十至康熙初始卒詩不爲鍾譚所囿
風華處儘有
六朝遺韻

入白門

白門迢遞夕陽閒，千里闔天一日還。
依舊客情無別事，逢人都問武夷山。

芳草

春風催百卉，草色徧相侵。
到處沒馬足，有時驚客心。
遠連空漢上，寒漾碧波潯。
獨有明妃塚，青青恨至今。

過孔雀庵訪輝上人

早歲聞初地，凌朝試遠尋。
依然一茅宇，宛在千竹林。
芳草定時積，清池雨後深。
對君論古迹，寂寞起幽心。

春夜同陸不淄尤時純子邱兄賦新月

新月出東林，清光猶未深。
依人一片影，孤客萬重心。
夜淺留餘態，春寒助苦吟。
梅花更幽絕，寂寂弄輕陰。

同宣仲鷺峯寺聽秋鶯

物候推移傷客魂啼鶯何意戀山村不因落葉林間滿猶
道啼春在寺門

同諸子觀潘穉圭中秘家藏米元章畫楚山圖鮮于
伯機書游山詩記次曹能始韻

相過情不淺好古意何深况有圖書樂能勝絲竹音光華
陳白璧珍重比南金雲樹見楚色詩篇聞越吟神應游上
世客似坐寒林竟日不能去因之敦素心

立春日過萬松庵

萬松通曲嶺殘雪覆寒池今日已春色深山猶未知

嘉善寺

古寺壑中好到來真是禪松聲流夜雨草色積春烟鐘小
無鳴日碑殘不記年卻因荒寂意與客更留連

桃花

幾樹桃花一色紅野人籬落見春風種來無意看偏好開
到多時賞復空可奈蝶蜂羣採處亦聞雞犬數聲中曾宜
潘岳閒居賦別有芳名自不同

劉城字伯宗貴池人明諸生有嶧桐集

詩話伯宗與吳次尾齊名稱貴池二妙崇禎間嘗以
諸生被薦堪任民牧詣京師力辭不起南渡上書言
事未見用鼎革後隱居峽山身不入城市詩才駿發
晚益激楚鬱律五言尤勝每次謝皋羽鄭所南之韻
以示標尚又鑄小印曰謝髮鄭心與子鑾唱和最多
亦如青主之於眉道人也著作等身文數昌黎詩宗
工部皆力爭第一流

查村

青山勢欲行其意乃自靜良苗氣已新而理未堅勁敗垣
圍古屋貧氓寶舊姓當暑蔭寒流怡情亦濟性樹密夏蟲

聊可中日景正

水漲

雷聲起枕上雨勢欲拔屋蛟龍一夜爭暴漲彌平陸喧
聲未停泛溢勢相蹴昨來一曲流今若倒羣瀆氣昏色正
黃意廣情亦黷因思古滔天浩汗周林麓觀水氣勢奇感
事心魂肅

漲後

朝來混沌勢我謂沒陵谷漸殺及午中故道俄然復透迤
意何之灣流仍可掬白沙被黃滓量泥甯止斛昨夜所至
痕指示頸猶縮岸圻懸則崩樹倒苗亦覆快意幾何時盈
虛幾已速

秋懷

登邱一騁望百感我心勞天高有雲征氣色但蕭蕭念欲
命斗酒四顧無同袍鷹隼順時擊豺虎尙羣嗥貍劉在古
典毋俾大猾逃利劍不入掌寒士安得驕

代謝成古今榮悴如流屣金甌從何來著物成凋毀陰生
在午中霜零由夏始豐亨物忌靡離明帝傷恃銜轡一以
弛氣勢來誠駛搖落日趨多蕭瑟不可止

莫羞賤與貧帶索歌常浩莫憂渴與飢滄菊糧堪飽眾卉
泣然徂鞠乃猗與好百舌蠅蟬天蟋蟀俟秋慄豈怨生身
遲笑彼爭時早秋氣窮巷問不歎東門道

梧桐鳳所宿鳶鷂不敢棲蓐收一秉令綠葉辭高枝靈鳥
既不至百尺幹奚爲瑟瑟娛世耳不如委塗泥夷仲自放
廢守正亦知幾秋山有佳色行歌宜采芝

相公墩湖心寺示僧琦

廿年常住處每到意能新佛與人俱靜厨因客去塵出林
傳梵放登閣見車麟彌望平湖氣雙龕贊與旻

答劉引之來問近事

莫放漁人入谿山遠作籬鄧馮誰命世黃綺是吾師華髮
短猶在荒村春欲遲寒梅開有日折寄向南枝

村居雜感用所南郊行卽事韻

世絕麟游藪余同鳩寄巢畏人藏短髮問信斷荒郊度日
薪如桂全身藉用茅歸來就燈火詩卷未容拋
屣重泥沾齒風高雨欲沓刑天方舞戚蝸角尙稱戈羣計
田分耦誰言海不波榮期雖有樂帶索未成歌

送麻天爲還里

風雨飄搖已覆巢遺雛戢翼敢譙譙問關謁帝君親事變
姓投人任俠交無力運樵徒背裂有歌和筑未牙聲欲爲
決策馮詹尹知在全乾第一爻

答孔仲石

尙鏞

麀史凋殘文定亡君家世學與誰傷變名人自知梅福守
業時應屬孔臧世已衣裳忘楚楚我今歲月去堂堂賢昆
灑淚騎箕後莫問中原大小匡

春日漫興

真覺從前事事非息黥補劓破重圍不求甚解書常讀亦
欲無言塵豈揮衣製水田領尙濶冠裁竹籜髮堪晞欠申
曝背茅茨裏惟待春深上釣磯

寄沈崑銅

家瞰江流日夜馳恩讐回首夢中悲望門隔歲思張儉複
壁移時出趙岐南渡只餘花作曲北來每聽角橫吹故人
寥落星辰在勞爾臨風勸酒卮

題王公儼石泉

甘潔寒流滴瀝來石魂冰魄絕纖埃莫將一勺通漁棹纔
到人間不復迴

許友字有介又名眉字介壽侯官人有米友堂集

詩話有介詩澹秀蒼堅漁洋稱有介野航人遠雁聲
低與胡石莊楚人門巷瀟湘色並為名句竹垞又謂
篇章字句不屑蹈襲前人正如俊鶴生駒未可施以
鞵勒其為諸家推許如是兼善書畫喜幕米襄陽因
攜米友堂
奉辦香馮

憶秋夜聽客彈琴

去年秋夜半置酒高登臨螢火照金井潭光映素心風寒

生古樹脫葉如微吟
眠鳥不成夢偷作三兩音
秋色入衣履
白月穿疎林
相對有古意
深幽歸枯琴

畫湖西謝評事宅

先生之官輕如紙
先生之名長不死
敬斜一屋傍
蘆花兩扇柴門面
湖裏樵歌漁曲來
朝昏雨月風煙無間止
四時有客至湖中
便道竹邊評事里
予今欣慨念先生
畫此茫茫一湖水

從雪溪來磐谷

抱此幽閒福
沿山問路行
連朝居佛寺
到處有泉聲
麥穗垂肩重
松鍼壓鬢清
願將卜茅屋
工課並農耕

齋居喜雨

細草如孤岸
春船繫碧桐
曉晴山夢裏
殘月柳絲中
佛古

人心寂階荒鬼語工通宵煨藥餌瓦竈火猶紅

園居卽事

朝起開簾望竹煙入古廳柳樊低瓦綠山補矮牆青蓄藥
先知病藏茶不爲醒晚來農事急日上稻花亭

晚泊瀛田

片棹以遲勝風輕波復微野煙依樹合沙鳥貼江飛人語
孤鄉近郊燈岸店稀記程今夜始一宿在魚磯

神光寺看碧桃花

城頭二月綠苔侵爲訊桃花野寺尋半樹香分疎竹影數
株白近古松陰蝶心蕩漾春高下鳩語浮沈雨淺深蔬筍
偶然無酒禁醉歸清夢戀空林

讀書夜靜聞鐘聲從白月來

石樓隱向白雲封，知在峇嶺第幾重。
殘夜讀書人未卧，萬山明月一聲鐘。

春日園居

兩樹松濤釀細風，數竿青竹石橋東。
午眠方足新茶苦，啄木聲移嫩葉中。

但得幽居草木安，小園數步較能寬。
芭蕉葉下閒來往，一卷殘書斷續看。

羣花下土在清明，菊種分苗著水輕。
還見荔陰顏氏裏，乳鳩傍母習春聲。

紀映鍾字伯紫一字槩子號巖叟上元人明諸生有巖叟詩鈔

詩話伯紫以金陵名士爲復社宗主易代後躬耕養母不面時貴龔芝鹿以總角交爲梓其集行世詩亦

清刻亦沈雄憤時憂國時露於楮墨之間初名其集
日真冷堂詩稿又有補石倉集檠堂詩鈔今慧叟詩
鈔四卷爲江陰繆氏鈔本

烏龍潭

龍潭禁城內雖小亦巨澤窅然處西偏遠如避世客古觀
晉唐遺名園隆萬宅宜雪再宜雨宜隱亦宜謫松濤白日
飛荷葉遠天碧在昔中丞公學佛豎鐵脊棄家入無生放
生意成癖鳥影摩天空魚弄波聲汪汪千頃陂積鱗恆
觸迫巨舸載沈江生意取相適老僧呪喃喃永斷刀砧赤
講藝集諸生賢豪盡前席微言颯然來如霜面皮擱高格
離人羣眞風懾蠻陌歎息斯人亡澄潭空日夕

雨夜強飲

強飲如無事憂心切鼓鞶濁河平地坼懸磬萬家啼問俗

牛哀虎謀生屬國羝一燈如霧裏不寐聽鳴雞
并州連夜雨秋水漲汾河萬嶺交陰氣孤城俯白波鄉心
驚躋策驛使阻盤陀霜令邊庭早清商人浩歌

西軒爲邱季貞題

楚州秋色在城西千樹梧桐晚雉齊亂後自餘明月好霜
前仍有子規啼連山送客悲芳草向晦齋心對碧溪十笏
一軒書萬帙蒼雲深隱鳳雛棲

金陵故宮

朝出天津橋浙浙水帶索暮行清溪濱馬瘦亂芒屨陋巷
猶居人宮牆竄鼯貉云是故宮道敗堵仍未堊恭惟全盛
時皇居壯京雉真人起淮泗一劍驅沙漠神鼎定金陵卜
世過岐亳劉基相澗瀍王宋陳方畧粉雉包山川芳湖填

燕雀南面園邱壇背枕鍾山薄鄧林採榷楠越裳貢丹雘
巍然未央成萬戶千門落閣道鉤槍楛斗杓抵龍角玉堂
翥文鵬金吾仗神爆赫赫武庫藏赤電霄煜燦翳然紫籞
深琅玕朗獬鬣晶晶蓬萊波的的芳菲鐸繡闥祕椒圖雕
櫳鏤鸞鷲經營追靈沼花鳥匪艮嶽蒸土繚垣牆利錐不
能斲延袤萬丈餘堅比南山谿鸞輅參陳章麟臺畫魏鄂
日御奉天門虛懷問民瘼魚服求葍簷虓怒斷鯨鰐宵深
不遑寢一事古今酌孤三卿備九郊藩教胄學燦然鉅典
章萬禩尊嚴確有道字四夸宸居磐石犖日月光門庭關
河自鎖鑰予奪成春秋喜愠關露霑柳沐誠艱難金湯寶
天作一傳用方黃儒術翊文弱制度改周官桐封背漢約
僉謀專趙括不忍誅晁錯未報吳宮秋皇孫燕來啄十族

魂驚天瓜蔓血盈壑養土三十年報主良諤諤英君自待
邊明堂建龍朔新宮既崢嶸故宮自寥廓新宮北極高故
宮新草綽寶訓蛛絲沈金根苔卧拓朶鳳彫翠華楊帷乾
蕙藥陰凝黃屋霜愁灑禁林籜尙念高皇功龍顏儼元幕
溫涼度鼎俎節候陳精臙醇耐屠蘇嘗新糴石泉淪白頭
老中官玉帶花錦褫躬親執掃除啟閉專掌握溝水細涓
涓宮雲淡漠漠彷彿燕支痕隱約爐煙嫋甲子五經過棟
礎半摧剝流寇恣披猖長安燄天焯憂勤十七年社稷死
無作新宮旣淪陷故宮剩榱桷四方摧心肝帝子還飄泊
二三黃髮人憂思席不著田鮑魚菽閒水火殷殷搏黃門
拔劍起外恃羆虎曠中宵策始定縞衣迓素幄百辟朝行
在草創安儉約遂有豫章材湧地就繩削厥惟五色土啟

窘皆型燔于時望宣光萬姓咸呼躍故宮幾興矣黃髮咨
籌度自從貴陽相懷甯牆壁託燕山出總師欽案大翻駁
醜逐劉張徐高姜繼去閣朝綱武臣典密疏瀆且數楚豎
竟指戈妄言君側惡盡撤淮淝兵穴關西南角殭屍塞洪
河肝腦江流濁澤清倒戈來天塹一筏縛鎮兵鳥獸散定
南頸貫鏑悄然如無人江山靜濯濯左賢居深帷浴鐵滿
城郭移民安部曲築堵禦侵掠日聞故宮聲丁丁勤斧鑿
一木疲千牛石走萬車腳故宮遂蕩然曠莽馳飛駿誰問
荆棘駝空憐腐草燭歟興垂亡時此理似難覺譬如將燼
炮欲燼還一爆舉首瞻故宮故宮成汗澤大哉高皇功廢
興豈關若野人近宮住廿年悲落魄出爲露肘行入不飽
藜藿皇皇喪家狗慄慄入市攫掩涕急前趨蹣跚類羈繳

復見鍾山雲矗矗芙蓉萼映日布靈旗隨風過五柞松栝
雖盡髡意象逾磅礴熒熒龍鳳章未是虎豹韞夜螢羣鳥
驚朝卷千峯燬焜煌金簡書縹緲神仙籥幽蘭終歲芳甘
澗寡洄洄埋金累羸秦秩望匪廬霍六代不敢陵蠟屐名
賢著香埋寶誌棺雨蝕蕭公鏤蒼蒼齊梁寺至今存遺蹕
山貌一朝童山藏萬古橐渾淪元氣中四時備涼燠麥秀
我吞聲髯攀誰冥格疢疾聊咨且慘澹還矜愕吟罷故宮
詩願化鍾山鶴

送徐合素之甘州

陽關西出草蕭蕭長夏焉支雪未消名士兵閒徐孝穆將
軍天上霍嫖姚雲橫赤水調生馬風急黃沙落皂鵬應是
太平無外日翩翩彩筆重題橋

答剡溪瞿巷上人次韻

時事年來不必聞長林片影日懷君齋厨澹泊收黃獨松
壑參差養白雲江上夢迴南浦月天涯人老北山文精藍
近處前賢宅流水淙淙送夕曛

寺近鄒嘉賓宅

雨雪書懷

號風響四檐孤燈耿深夜淙淙雨雪交魂夢嗒焉咤形情
不相識苦樂誰復借鴻濛逢雲將攜手觀元化

安得草草屋數間傍林渚老梅粲前庭修竹蔭後圃置此
易朽軀消磨卽次旅藜藿大布衣幽潛失寒暑日對忘機
人歌呼相我汝不探虎穴腥何必狙公芋老矣志不遂塵
囂當古處

埋憂何地好惟有攝山岑渺渺衣帶水一葦快登臨山僧

虛石塔高士彈素琴泉飛古松顛鐘落寒磻深自然聞見
黜亦使鬚眉森隔江聊悵望恍惚迎陵音

塵壤何茫茫笑梯與滑稽君子抱志節齋居筮逢睽操弧
不可張折牙守稗稊長瘖友子光省煩學尸黎蘭萐季虛
谷魚鳥樂迴溪徜徉庶所愜物論誰能齊

十五六行贈玉式

憶昔與君十五六我裏緼袍君奇服相逢各不問苦愁尙
論淵元瞪雙目讀書祇恐後古人著作等身恆不足橫筆
直掃千人廢上朔羲軒下周穆或忌或憐曾莫知快意在
胸心槁木看山卽行數十里一醉三日常不起有司督試
逡巡來西抹東塗薦冠喜自視一第如探囊致君堯舜平
平爾華陽道上攜兩僕二十餘年驢尾禿明遠樓前科跣

行心肝嘔盡劉蕡哭文章既與世變更天地都如浪翻覆
而我安能與之隨汨沒憂從中來不可掬君茹荼我嚙蓼
君搗鼓我擊筑斗酒難澆心曲愁高歌偶當窮途哭當時
豈意賤如此道旁偃蹇避朱紫驕人自昔笑勞人周士安
能學秦士祇合深山大澤披髮掉臂閒游行萬壑松聲滌
心耳綠萼梅千葉杏銀瓶細挽雙鬟靚中秘書萬言策南
朝天子動顏色君所有我所無君較苑我較枯我不問天
天胡爲乎嵩陽玉女峯太華希夸廬一片月萬古居肉芝
紅類小兒掌石英紺比千芙蓉食之天地壽與俱君若能
來莫趨趨噫嘻君若能來莫趨趨

眞州漁父歌

眞州漁父艇十尺日日維舟汀草碧看盡江南一片山往

來只在菰蘆間短布爲衾甕作枕卧對桃花萬株錦笙歌
響靜羅綺聞明月當頭舉杯飲漁父十年江上漁江上漁
人識面疎有時得魚還自放心同流水歸空虛

余懷字澹心別號鬢持老人莆田人有味外軒橐

詩話澹心留寓金陵著板橋雜記哀感頑豔秦淮花
月爲之增色梅村贈句有云石子岡頭間奏伎瓦官
閣下看盤馬漁洋答其懷古詩云千載秦淮水東流
繞舊涼江南戎馬後愁絕庾蘭成一時名流多相推
挹

稽河南書枯樹賦歌爲孝升作

涼颺颯颯山鳥呼丹青滿堂招酒徒煙黃露白木葉下芙
蓉晝泣三千珠主人好客思芳草金鐙玉案供潦倒湖海
風塵濁酒杯江南楊柳新亭道昨夜楓林叫鳳凰朱簾宛
轉明月光庭梧欲作瀟湘雨岩桂先催建業霜牀頭鮫胎

瀉秋水寸絲尺絹雲霞起就中一卷索題詩六朝詞賦初
唐字平生蕭瑟庾子山婆娑枯樹動江關樹猶如此嗟何
及繁絃急管天應泣臨池者誰褚潭州詰倔瘦健拔老湫
銀鈎鐵畫更嫵媚行間自帶英雄氣當時歐虞八法工文
皇睿賞君臣同豈知牝晨亂天紀鬚眉竟向蠻煙徙好書
此賦十本餘漢南搖落增欷歔古人氣韻今人得咨嗟坐
卧忘頭白今宵沈醉太常齋飛箋擘軸皆奇才嗟余坎壈
填溝壑十年夢到屏風腳哀歌夜半風雨來悽愴江潭淚
雙落

和楊炯伯見贈

種瓜何地是青門愁見濛濛八表昏芳草故鄉春閉戶落
花寒食夜開樽荒雞鳴處誰能舞舊燕來時我尙存雨後

不知山徑滑遲君雙屐印苔痕

謝公墩

高卧東山四十年一堂絲竹敗荷堅至今墩下蕭蕭雨猶
唱當時奈何許

孫楚酒樓

江南城西酒樓紅無數楊柳迎春風孫楚去後李白醉千
年不見紫髯公

雨花臺

雨花臺上草青青落日猶銜木末亭一綫長江三里寺千
年鶴唳九秋螢

勞勞亭

蔓草離離朝送客驪駒愁唱新亭陌夜深苦竹啼鷓鴣空

地州集言圖卷一
二
簾獨宿頭皆白

登卧龍山

薄暮登山阜寒煙帶雨痕竹梢三里寺桑葉幾家村遠痕
搖江島長蕪入縣門舊時王謝宅今日只啼猿

高樓對酌愴然有思

建業千尊碧不知春復秋平生惟獨往茲夕喜同游天地
心歸處古今人倚樓名山支手板百尺聽江流

遠游詩

衡嶽閒游遇懶殘至今煨芋未曾餐山人何事輕衣紫笑
絕桐江一釣竿

紛紛花柳映沙隄豈有千金購馬蹄痛哭江陵張相國孤
墳猶在洞庭西

一杯江水謝東山
賭墅蕭蕭渾是閒
莫怪老僧頻捉鼻也
曾譚笑到人間

雨中集飲周忠介公蓼庵與如須懷舊作

雲旗一片繞西臺
鐵笛橫吹第幾回
茂苑花開堪過日
寒山鐘斷好銜杯
雄心視轍收三敗
老淚衝河賦八哀
悵望美人臨北渚
自騎天馬渡江來

徐延壽字存永閩縣人明諸生有尺木集

詩話存永爲興公之子家蓋峯藏書甚富亂後並田園盡失之客廣陵與漁洋訂交又訪牧齋於拂水山莊牧齋爲序其集謂集中哭曹能始長篇述陽秋詢琬琰富哉古之良史存永尤深雅其友許有介詩牧齋並許爲知言

登幔亭峯

孤峯蘚雲起千仞
何岩堯峯巔平若砥
滿地皆靈苗王子

北鼎集詩圖卷一
昔張幔會孫宴通宵千人布瑤席萬丈橫飛橋我來訪奇
跡本爲山靈邀晴雲生杖底咫尺通扶搖俯仰天地窄鶴
馭安能招人間信可哀曲罷風蕭蕭

五老峯後萬松坪

濃翠侵衣冷迴環種萬松中間無別樹前面是何峯林密
遙藏寺山深晚聽鐘半空雲影散青吐五芙蓉

建州符山寺別楚黃樊山圖

共借僧寮一榻眠離家愁說兩經年斷雲古驛過樵水涼
雨孤舟憶楚天千里別情芳草外五更殘夢落花前城南
歌舞今銷歇又見關山月上弦

暮過燕子磯

馮夷吹浪嶺山根雲樹千重暗白門舊壘尙聞雙燕語空

江曾見六龍奔揚花暮雪行人路杜宇春風古帝魂扣柵
中流頻喚酒客情難遣是黃昏

南歸渡揚子

浩浩悲歌擊楫聲瓜州燈火聚寒城空言天塹分南北不
使中原罷戰爭漂泊孤身衣有淚興亡終古水無聲惟餘
兩點金焦在目見潮痕落又生

霖臣過綠玉齋同克張小飲

柴門兩歇履聲聞徑草春香盡種芸綠醕花前消永晝白
衣天外看浮雲三人入座無殘客終日開窗有此君芳草
不堪懷遠道夢中金虎闔闔墳

法海寺訪空上人

隨身瓢與笠此外更無餘懶補破衣著愛尋貧寺居香厨

三頓粥石榻半牀書日見禪窗下甘蕉日漸疏

高兆字雲客號固齋侯官人明諸生有固齋集

詩話固齋爲國初閩中平遠臺十子之一嘗著政禎宮詞百首搜羅秘密非外臣間見所及鈔本藏郭兼秋部郎家毛西河游閩與卽席賦詩並示所謂曼殊別誌固齋作洗露紅詞弔之詳見西河詩話其荷蘭使船歌作於通市百餘年前鄭荔鄉稱其見微知著可作一篇籌邊策讀非虛謬也

荷蘭使船歌

乙巳冬十月鈴閣日清秘撫軍坐籌邊頗及荷蘭事幕下
盛才賢共請窺其使逆騎出城隅江聲來溟淠橫流蔽大
舶望之若山墜千重列樓櫓五色飄幡幟飛廬環木偶層
檻含火器畫革旣彌縫丹漆還塗墜叩舷同堅城連鑣足
馳騎佇立望崇高眞非東南利某也亦賓客縋藤許登跂
番兒候雀室探首如鬼魅攝衣升及半火攻炫長技煙霧

橫腰合雷電交足至譯使前致詞此其事大義其上容千人方車矧並轡其人各垂手周行若沈思中央匱指南樞紐浮天地鐵軸夾其間凌雲百丈植七帆恆並張八風無定吹杳施如網羅坐卧引猿臂下觀空洞底委積於焉寄懸釜熾飲食戴土滋種蒔但可歎博厚安能測遠邃船師亦國臣逢迎慰臨蒞坐我卧榻旁甌足明媚雕欄障玻璃懸桁垂白觶發笥云葡萄洗盞注翡翠高瀉成貫珠傳飲勸霑醉銀盤薦瓜蔬風味頗浸漬豈欲傾其釀因之窮審視明明簪筆邊半卷有文字繪事江海跡水道可太備島嶼分微茫山川入詳委觀圖見包藏甯惟一驕恣上馬大橋頭目送增憂喘嗚呼通王貢詎可忘覬伺周防勿遂巡公其戒將吏颺去勢已形禮義不足餌

吳嘉紀字賓賢號野人泰州人有陋軒詩

汪蛟門曰野人家秦州之安豐場閉門窮居蓬蒿土
室名所居曰陋軒終日把一卷苦吟自娛晚年善病
或并日一食近海多暴風疾雨水桶數丈鹵地爲魚
場人絕粒動稱凶年野人廬舍汗雀每歲水至常及
半扉井竈盡塌苦吟不輟其爲詩工爲嚴冷危苦之
詞所撰今樂府尤淒急幽奧皆變通陳跡自爲一宗
近代嚴棲之作鮮有過之者沈歸愚曰漁洋詩以
學問勝運用典實而胸有鑪冶故多多益善而不見
痕跡陋軒詩以性情勝不須典實而
胸無渣滓語語真樸而益見空靈
詩話國初詩家有以質樸勝者杜茶村孫豹人及陋
軒皆是陋軒閉門覓句絕依傍謝文飾戛戛獨造情
曠道上要不失爲邢石曰潘南村一流人漁洋火熱
之嘲固非定論潘四農盛爲稱許與亭林並論亦未
免推崇稍過也

吾廬

吾廬清谿中年久半傾圯圯者不復問存者還欲倚老梅
共橫斜撐拒臨流水有客念傾頽贈糧令葺理負戴駭鄰

人升斗分匠氏仍缺石與木來朝賣一豕力作何紛紜癡
兒間老婢窗牖次第明巷徑復委委家人意頗貪指點舊
基址迺欲典衣裳更求廣居止微笑謂家人戶外寒方始
且留此隙地以待春風起我自荷一鋤種菜柴門裏

送人歸黃山

入雲山路碧重重歸去追隨石戶農幾畝秫田今有主一
間茅屋在何峯煙崖芝草衰年採雪嶺人樵落日逢悵望
浮邱蹤跡遠鍊丹臺上倚青松

僻壤

僻壤無春至安知春已殘海雲千里黑塞雁一聲寒老去
謀生拙時危作客難直西是鄉路日日出門看

內人生日

卽明卷言圖卷一
三
潦倒邱園二十秋，親炊葵藿慰余愁。
絕無暇日臨青鏡，頻過凶年到白頭。
海氣荒涼門有燕，谿光搖蕩屋如舟。
不能沽酒持相祝，依舊歸來向爾謀。

玉鉤斜

莫歎他鄉死，君王也不歸。
年年野棠樹，花在路傍飛。

新僕

語少身初賤，魂傷家驟離。
飢寒今已免，力役竟忘疲。
前輩親難愜，新名答尙疑。
猶然是人子，過小莫愁咨。

送王黃湄之海陵

是我還家路，扁舟汝獨行。
千人初短氣，去國各含情。
海水孤城暗，霜風一雁鳴。
此鄉稱僻壤，誰更識虞卿。

送程翼士

出城江水大雨歇開夕陽程生攜妻子歸去東臺場輕舟
入浦煙風起芙蓉香去者方愉悅送者忽徬徨宿昔舊茅
屋與君同一鄉海潮漂里巷親友半流亡家有卧病妻秋
月夜正長蕩子貧不返望望涕霑裳

夜發

田家夜收稻吾亦適江關燈火遠相映去留俱不閒水喧
仙女廟月上謝公灣一路饒風景扁舟任往還

辛亥孟夏二十八日三兄嘉經歸葬東洵

二兄呼五弟荷鋤隨我發爾我將老死應收三弟骨行行
見廢墟荆棘何翳鬱飢鳶啄狸貉野蔓牽人膝二十八年
來始有家人跡朽櫬在何處形骸雜土木肢體拾容易砂
礫亂爪脊撥剔到天暝全軀乃無缺嗚呼甲申歲兄禍生

倉卒身飽強橫手命盡少壯日官長來相視行路色慘戚
磊磊讐人頭指日白刃割哀筋忽四起鐵騎來萬匹野積
戰士屍城流殺人血羣兇出獄門亦各操鈇鉞依倚猛虎
區見者咸竦慄飲恨歸去來待時卧蓬蓽次男名瑤琴襁
裸兄愛惜眾謀立爲嗣此支庶不歇四歲離所生命仰伯
母活不悟大人心憐女不憐姪綺襦擁外孫兒也足無襪
弱膚受風霜髮鬣蠶蠅極走還歸持抱生母泣我時
實貧窘寸心與誰說今年兒齒壯摧殘膺疾疾媒妁不議
婚徭役長被責敢望吾宗大仍愁兄祀絕冤魂久飄零今
日就窀穸蔓蔓鄉樹近沃沃水菱碧死者抱痛眠生者吞
聲哭報讐事已矣斜陽徧阡陌

送江健六之長洲錢塘

長歌去路遙遙去何處
楓橋與斷橋兩岸梅花五更月
布帆吹去風悠悠嘯傲山水前
豈遂稱豪賢豪賢舉動笑
腐儒飲酒縱博膽氣麤朝出赴急
難夜歸提頭顱一旦功
成不受報有時義在仍捐軀
不然潛生至老死結屋種樹
臨江湖雨晴放艇隨漁父
客散分餐飼鶴雛君不見吳要
離宋林逋

吳蒼遠邀過野竹居

老叟賣茶處麥田飛野雞
籬邊江岫近屋後竹林低
過雨陰如水聞雷笋出泥
山泉煎欲熟入座聽鶯嘯

舟中寄懷吳去疑

不見江南人遙望江南雲
後雲氣光晶前雲行逡巡
逡巡行復止依依如戀羣
物態有如此余益思故人
夕風吹浦

溆野色迷我津，鳧鷖各有類。孤舟欲誰親，唯有楓林下。潮聲漸漸聞。

寄答席允叔

淮濱海浦路迢遙，記得蘭舟繫板橋。多少離憂人不見，鳩鳴桑柘兩瀟瀟。

我昔

我昔客途逢敗兵，弓弦旆影風秋鳴。殘騎如狼散草莽，居人雜兔奔縱橫。漁船貪利夜賣渡，金大乃許載人去。暝色潛行曙則隱，口乾腸飢我能忍。

我昔攜家亟逃難，海雲霏靄晝昏冥。野空蹄響賊馬近，我船欲速行轉慢。須臾燭燒閭里紅，風漂船入蘆港中。蘆葉菰葉蔽男婦，引衣掩塞啼兒口。

我昔兵過獨還家，哇上髑髏多似瓜。
鴨毛滿蹊舊狗死，籬菊自放霜中花。
天南伯兄天北季，驚魂棄絕故園地。
又聞土賊聚稍稍，細雨夜啼九頭烏。

卒歲

履冰返故里，倦身獲稍閒。
村墟多積雪，凜凜生暮寒。
烏鵲亦懷栖，各認舊林還。
車轍復誰顧，詩書聊自看。
維廬則有堵，維井則有幹。
老年逢卒歲，布褐無一端。
晚暉檐下來，梅影落我冠。
家人進簞豆，肘見容色歡。
借問何爲爾，門外追呼寬。

夜發

客意急前路，中宵刺小舟。
寒潮隨棹去，明月有聲流。
襍被裹諸子，夢魂圍一愁。
雞鳴霜滿岸，莫辨古揚州。

陶澂字季深一字季號昭萬寶應人有湖邊草堂集舟

車集

詩話陶季晚爲一字字好游足跡半天下詩多於舟
車得之因名舟車集才鋒踔厲筆勢鋒突凌紙突兀
而起集中有擬少陵二吏三別諸篇蓋當明季
民窮政亂感憤既深不得不作變徵之聲也

游香巖寺

取適向林麓漸聞花氣香沮洳細路側宛轉臨春陽諸峯
紛來前杖策依重岡俯視見虎跡殷憂何能忘同懷二三
人爲我攜酒漿念茲最初地努力風磴長
披榛造幽微轉側信險絕天風振衣袂陰磳依冰雪苔生
佛堂下淨影映眉睫山僧歸無期晨夕梵唄缺吁嗟末法
法象教殊未滅何人開冥蒙特具廣長舌

泛舟經岳陽長沙

春江北流日西匿繫景割波留不得道傍赤岸今爲墟霸
業何人更相憶昨宵急雨來自東巴陵遠樹煙空濛湘娥
染黛幾千歲朝暮只臨明鏡中柳生井邊沒芳草依然昔
日相逢道音沈響逝天茫茫愁見白波吹浩漾船旗不定
南風旋寂寞一聲聞杜鵑

黃蘆岸側黃陵下雨溼天低水交瀉靈旗暗逐往來風人
間那識蒼梧野傾心奉君無二心撫絃斷絕悲人琴相望
不盡淚中血零落可知湘水深湘東更有蒙讒客憔悴千
年滯冤魄

寒星搖搖天上明迴環下應十二城洞陽石乳皆雲英有
人餌之蹈日行日邊淵旋城下水可憐蕩景春山是嶽靈
南去千萬里青霞一片飛初起舊寺銷亡今幾年螺書秘

記鴻蒙篇陰蟲古苔蝕不盡六丁夜護蛟龍纏蒼筤谷口
雲氣鮮此中歲月容高眠

登恆山

恆陽地與塞垣通山脈紆迴指大同黑霧不消陰磳雪翠
微時下石壇風燔柴有制存周典持節無人出漢宮幽縹
嶽靈何所寄巋然碑版覆苔紅

不盡浮雲起北隅離離城郭望中孤荒原白草還今古戰
骨青燐半有無委伏萬山連抱犢噴岬一道隱飛狐憑高
莫問探符事昔日嬴秦亦已徂

故宮詞

慈甯宮禁老莓苔元日驚傳法從來上下隔簾遙拜畢六
龍飛輅一時回

龔賢又名豈賢字半千又字野遺號柴丈江甯人有半

畝園詩草

詩話半千性孤僻與人落落難合畫山水沈鬱蒼莽獨出幽異古法爲一變揮灑餘暇賦詩自適

扁舟

扁舟當曉發沙岸杳然空人語蠻煙外雞鳴海色中短衣
曾去國白首尙飄蓬不讀荆軻傳羞爲一劍雄

飲徐氏園

春來無此日午過尙如朝水氣亭三面城陰柳半腰清歌
連白舫長笛隔紅橋最是歡娛地年華覺易消

晚出燕子磯東下

江天忽無際一舸在中流遠岫已將沒夕陽猶未收自憐
爲客慣轉覺到家愁別酒初醒處蒼煙下白鷗

程邃字穆倩號垢區江甯籍歙縣人明諸生康熙己未

舉博學鴻詞不就試有會心吟

詩話穆倩詩畫篆刻皆戛戛獨造倪闈公稱其詩如出郭篇云焦飯空樓哺奇溫竟御絲除夕書壁云帝王輕過眼宇宙是何鄉以爲曾懷結曲不減少陵

從龔孝升先生聯船淮陰赴司馬理頤公招

元禮陳賓盛誰方雪夜舟相思千里駕吟弄五湖流分食
通心醉颺帆療客愁景移雲日好動息一江鷗

過萬年少隰西草堂

值得漁夫擢江梅隱雪津黃河冰腹厚白草馬蹄春旣釋
隆中業還爲川上人友生難解事往行不須論

戴本孝字務旃別號鷹阿山樵和州人有前生餘生詩

稟

詩話務旃父敬夫明湖州推官甲申後迹不出故
務旃及弟無添竝以布衣終務旃詩畫皆有名漁洋
稱其性情高曠嘗在京師與友談華山之勝晨起卽
襆被往游漁洋贈詩云捫蝨雄談事等閒餘情盤礴
寫屏顏洛陽貨畚無人問五月騎驢
入華山無添四十不娶詩亦有家風

自題畫詩

叢薄何蒼葳喬木無餘陰斧斤向天地悲風摧我心不知
時榮者何以答高深

燔柴今已廢岳靈杳何託白雲來洗崖有額爲誰跡濤聲
聽松崩響逐龍湫落

何處無深山但恐俗難免一心溯真源千載不卷

弄桃花此興自不淺

草木亦爭榮攀援與依附凌霄桑寄生滋蔓尙可懼惜哉
不防微良材化枯樹

坐愛柴扉外林陰滿釣竿葭昏煙棹溼谿落水春殘不是
滄波客前津問好難

田家

集陶

少無適俗韻甘以辭華軒但道桑麻長而無車馬喧服勤
盡歲月守拙歸園田終曉不能靜雞鳴桑樹顛

戴移孝字無忝和州人

石城樂

雙槩渡桃葉隨歡望夫磯催送來秋浦夜夜聽猿啼
雨落不上天瓶墜已入井還歡金錯刀割斷轆轤綆

方文又名一來字爾止一字明農桐城人明諸生有翁

山集

鄭則厚曰爾止詩陶怡性靈梳
連景物不屑爲章絳句繪之學

詩話爾止以己王子生情武林戴葭湄作四王子圖
中爲陶淵明次杜子美次白樂天皆高坐而已偃僕
於前呈其詩卷錢湘靈題龕山續集云王子同年作
者同陶公杜公與白公若修歲譜兼詩譜又記龕山
江以東又近來詩卷擅千秋櫟下官高爾止游何事
同生王子歲竟無一字學崔劉自注周櫟園侍郎與
爾止俱王子子亦王子白香山詩云何事同生王子
歲老於崔相及劉郎案淵明生晉興甯乙丑子美魯
峇詩譜謂生於先天元年王子蓋沿呂汲公之舊趙
子櫟年譜謂生於開元元年癸丑是淵明並非生王
子子美之王子亦尚有
異議葉調生辨之甚詳

單質生見訪僧舍并惠三忠集畲此

高樹引秋蟬空梁逝春燕昨宵微雨集重陰滿僧院之子
一來過羈人共談讌秀采本淪漪腴詞復菁蒨內秉金石
姿匪直情婉變稽古式芳躅懷忠耿遐眷下上漢宋書獨
愴武侯傳煩冤痛鵬舉軾軻欽履善流覽未及終風微宛
可見汨余有同心參差淚如霰

癸卯三月十九日潤州客舍同潘江如小飲述懷四

十韻

與君定交初乃在乙酉春是時楊貴竹開府京江濱其性
頗好客客來多俊民史邢暨萬宋才華更清新日夕造君
廬披豁任天真君尤篤愛我相對但含顰私憂南國亂汲
汲謀隱淪遙指鶯脰湖水鄉風俗愔愔從無兵燹患樂彼漁
樵人三月十九日先皇之忌辰同登北顧山仰首號蒼旻
野老或見憐朝士反見嗔俄而江北岸鼓角聲振振君先
挈妻子湖村依所親我亦攜小婦追隨爲比鄰此地旣幽
僻可以長垂綸君復有遠圖舍我游越閩三歲始歸來道
路罹百屯我適無所爲賣卜潤城闔一見喜欲狂茅屋共
宵晨曾將賣卜錢買酒醉千巡無何江上別東西各風塵

彈指十二年迴若吳與秦己亥黃河邊邂逅疑有神因過
范生宅連牀話經旬贈答非一篇相期保松筠別後又五
載聞君家益貧田園被侵奪賦稅猶在身寄居荒山中妻
子行負薪癸卯春三月京江重問津維舟卽相訪奇窮果
無倫顛毛種種白顏面黑且皴破帽與敝衣何減百結鶉
况當十九日言之鼻酸辛仍往北顧山亂石迷荆榛旅人
不敢上一慟何繇申是夕返我寓呼童采江蘋取酒醅燈
前心曲難具陳回思廿年事惘如夢中因夜半作此詩龍
鍾淚沾巾

韓侯兒

韓侯之族世所悲韓侯有兒人莫知我今痛飲淮陰市請
爲君歌韓侯兒侯昔鍾室銜冤日小兒三歲誰能匿有客

毅然竊負逃密以情探蕭相國相國聞之驚且憂爲言關隴不可留作書授客使入海南粵趙佗堪與謀趙佗夙與蕭韓善養兒成人延一綫去韓之半改姓韋子孫漸繁滿鄉縣因之世世爲土官魏晉以後休隱瞞蕭相前書趙王冊刻諸金石永不刊韓襄毅公會說乍聞此事歎奇絕其客姓名雖不傳自與程嬰比風烈釣臺之下淮水奔我來泊舟先愴魂千古英雄有本色死生貴賤何足論要知呂亡漢亦滅韓侯血食至今存

贈湯巖夫

今人讀書不識字下筆滑譎十三四許徐訓詁自分明爭奈人都不省視昔者吾友戴敬夫磨礪字學天下無予少竊聞其緒論雖知梗概心猶蠹中年奉教蕭尺木尺木篆

隸精且熟每與予言輒終夜字學稍知其節目平生結交
多俊民此道茫昧恆失真何期晚遇湯元翼奄有二子成
三人猶記魯江同作客頗領微言恨匆迫別來十載夢魂
勞老去重逢鬚鬢白閒時緩步過吾廬相對惟應話六書
秦漢晉唐體多變那能貫穿爲發摠當時戴蕭所未悉今
日詢君得其實我亦著書曰蒙求乞君釐正方成帙

桃花潭短歌

桃花潭中春水深桃花潭上春雲陰雲陰不見古人面水
深曾照古人心如何李白汪倫後雲水荒涼直至今

題屈翁山詩集

周南存漢廣誰謂楚無風爾祖離騷賦人言小雅同本支
猶未墜菽苑復稱雄千古沅湘意今歸五嶺東

送朱子葆歸嘉興

孤飛越鳥戀南枝
白草黃花客去遲
小閣共眠秋雨夜
危檣獨掛曉霜時
狂歌一曲愁先結
痛飲千鍾醉莫辭
門外江風復江水
解維何處寄相思

喜槁木師至

聞君春到石頭城
將妾和兒贈友生
此事太奇終有悔
天恩難斷可無情
既歸白業家何定
欲返黃州路未平
江上故人多古義
東郊應與結茅成

上雲居山

雲居去地三千丈
縹緲眞爲雲所居
卻訝峯頭多畝澮
宛然天半一村墟
梅檀况有神宗筆
貝葉曾分御府書
僧老不知陵谷變
向人猶說舊皇輿

寒食日飲酒家

江東又是禁煙節，郭北無非上塚人。
久客未歸緣世難，舊交相見獨情親。
水邊亭榭多春酒，花下衣冠剩逸民。
不分青青垂柳色，欺吾斑鬢漸如銀。

夜坐

殘暑不成眠，一夜長數起。
山深月色高，坐看松陰徙。

丁之賢字德舉，建甯人有。丁布衣詩鈔。

詩話：德舉生明季，嘗挾策走京師，西游秦中，久之南還。復出佐戎幕，居停主人稍稍資給之，贈以婢。海蠻乃還居桃花溪上，不復出。詩與朱國漢爲章合刻，爲綬安兩布衣集。

曉度沙苑懷華州諸社

茅屋晨雞早，征驂背華城。
平沙含月迴，遠火雜星明。
地瘠人煙冷，山空落葉鳴。
淒然懷舊社，回首曉雲生。

暮春新霽王瀛州楊海鶴張信我見訪

曉氣嵐光欲溼衣柴門獨立趁晴暉
桑林風暝鳩聲急芹徑泥融燕影微
半畝綠陰憐樹合一簾紅雨惜花飛
頽然拚醉鄰家酒稚子新挑菜甲肥

高國定字一甫古田人明貢生有雪濤集

西山

流風迴雪掩晴沙寒擁西山處士家
前路曦微消不盡有人踏去問梅花

季步騶字子尾號尾孫無爲人明諸生有懶蠶居士遺藁

秋夜

屋角隱晴月雨葉含金光空堂虛無人
蟋蟀鳴長廊露草

委砌亂竹風虛檐涼秋色已不淺菊英猶未芳美人惜時
景深夜徒慨慷搔首久延竚薄寒生衣裳深意不可道誰
能慰中腸安得騎黃鵠相攜游巫陽

送戴知仲先生還休甯

一種鑄人心慙歎忘耄耄微言證未瑩乃作兩鄉別秋花
伴還轅紅葉綴山嶠去來無心雲卽境亦可悅小子澹塵
緣游懷半生結力耕待兒長訪道識英傑追隨白岳巔茹
芝玩松雪

秋

萬物皆欲靜節其繁與浮枯藤懸敗壁野水打孤洲竹座
如僧對家居似客游重陽風雨近老此一村秋

閉戶

黃金閒不得白髮自然侵機淺藏山固交窮見道深雖無
投轄客卻遂著書心惟與家童約僧來月下吟

秋晚飲鍾五柳園林子孟限韻

時事薄黃虞糟邱聊與娛秋花成密幄夜席負高嶠妄夢
如驚柝詞名已濫竿殷勤今夕酒爲爾滯行鞦

曩昔

痛飲豪吟懷曩昔只今高興總蕭然笙歌漫記歡娛處朋
好皆非少壯年酒量淺於經旱懶詩情疏似後秋蟬拋書
獨向階前立閒看晴雲蕩碧天

張度字齡若晚號獅厓桐城人有蟋蟀窩集

詩話獅厓生明季入國朝棄舉業專事吟咏同里姚
端恪公爲請生時延課長子後五子二女皆從學二
十餘年獅厓終身不
他就蓋隱於教授者

重過惠應寺

來尋招隱地野趣足盤桓怪石支茶臼幽藤補藥欄清秋
林響靜長晝葛衫寒未識浮生理版依問懶殘
竹色干霄直閒房開翠微人穿蘿薜徑僧製芰荷衣籬果
隨時落溪雲傍晚歸愧非元度逸常得息塵機

過陳二如讀書處

碧山棲止著元經來叩柴門半啟扃嵐氣溼衣庭際落泉
聲繞屐竹中聽素琴常挂同元亮木榻將穿似管甯日暮
空林猿鳥散卧看明月上松櫺

唐允甲字祖命宣城人有耕塢山人詩集

詩話祖命善書法明季嘗爲
中書鼎革後隱居不復出

題朱石者半水園次李梅公韻

窈窕仙源何處尋
藍田花雨抱雲深
相招勝侶馴蒼鶴
獨浣煩襟對遠岑
灌木夏涼千樹夕
芰荷秋老一池陰
滄浪欲洗羅浮夢
物外閒心恣短吟

追餞路可期不及

習池舊侶已蕭蕭
空返山陰雪夜舫
郭泰亭中知跡少
袁宏江上有人招
青簾翠篠封蛛網
細雨疎鐘夢鹿蕉
歸去故山高處卧
月明十里聽吹簫

余紹祉字子疇婺源人明諸生有晚聞堂集

詩話子疇內行修篤天啟中補博士弟子員師浮梁黃中
介尚寶龍光兼朱陸之學築室田間號疑庵居士甲申後易僧服入高湖山更名大疑自營壽藏題明布衣疑庵余子又自爲文以識之

飲于昭姪樸園

天下遂如此人間適志難
况逢花事在忍使酒杯乾
樹色

有餘綠泉聲作意寒可憐今夜月幾處醉顏看

寄懷吳君玉學博兼致壽意

春光仍自上疏簾憂國懷賢獨黯然無計可支同火宅有人如此尙寒氊斬新甲子從頭起依舊河山在眼前試問白門諸大老弓旌應到阿誰邊

崔冕字貢收又字九玉號素庵巢縣人有素吟集

詩話九玉爲明遺民游南北名勝畧徧亦工畫作樹不著根蓋用鄭所南畫蘭例也

過含山漁鱸口昔避亂居此

天淨秋無際峯尖日出圓人爭投市米鳥破下林煙紅葉高低路黃花大小田依稀村入畫坐卧十年前

乃吾廬

主人兩鬢已如絲懶拙生原太戾時散髮鬪宗非玩世嘔

心長吉只耽詩青山寫換荒年米黃絹裁成幼婦詞太息
生存零落句不貪華屋厭茅茨

晚晴簃詩匯卷十六終

晚晴移詩匯卷十七目錄

李鄴嗣 三十五首

談遷 七首

彭孫貽 十五首

應據謙 一首

潘問奇 七首

沈謙 八首

俞熨 八首

周篔 十首

呂師濂 十二首

陳洪綬 十七首

劉洵 一首

俞得鯉 二首

蕭中素 六首

馮元仲 三首

晚晴移詩匯卷十七

徐世昌

李鄴嗣原名文胤以字行號杲堂鄞縣人明諸生有杲

堂詩鈔

全謝山曰康熙戊午浙之大吏欲以先生應詞科之
薦以死力辭已而萬徵君季野亦有史館之招先生
送之歎曰鄭次都能招到君章同隱弋陽山中
不能禁其喟然而別徵君後以是終不受史職
詩話杲堂年十二三能詩卽有秀句十六補諸生父
桐嘗被逮杭州獄杲堂亦繫定海馬廡中七十日父
喪自抗歸一恸幾絕再下府獄得免著漢語南朝續
世說輯甬上耆舊詩徧爲作傳藉存文獻其詩別才
逸腕刻刻異人黃梨洲稱其胸中流出無比擬皮毛
之習蓋破除王李鍾譚之窠臼而毅然自爲者也

行路難

步出浙江千酸風射華髮曾此鬪戈船隔岸西陵飲馬窟
窄行礙履齒莫是當年死士骨銅腥漬草草不長鬼作戰

聲猶恍忽君不見蛟龍夜徙田橫島海潮不到江湖小
客程當落日重經古陵傍陵柏摧爲薪百里爨室香石人
枕石馬魚鐙闔失光熊羆旣不守穴狐起相商自昔帝王
終失勢土花滴盡行人淚獵人獲得大鹿歸角下小牌隱
有字摩挲知寫放鹿年誰識漢陵當日事

颯風吹散陰天霧十里橫塘開石路云是當年捍海隄黃
土茫茫海眼涸隄上人家學種桑老翁不識靈胥怒發鳩
怨鳥暫得伸草沒鮫宮烽火樹麻姑笑語王方平水淺蓬
萊復一度人間海陸亦易遷天地鴻濛我適晤

秋懷

我心悲四序秋天不可長登高莽難辨中原亦奔茫長跪
復西嚮諸陵黯蒼蒼束髮讀六經豈知早投荒夜中迴月

御若木應可望裴回入空巷旅穀擷滿筐憶此句踐國霸
氣久未央曾聞采葛婦悲吟奉吾王薄脯臨浙水君臣淚
盈裳

亂楓裹江浦遺叟步拾秋往事不可訴欲語生百憂河山
倏破碎耄眼識其繇有雲來滄泚視我同悠悠干春石頭
水斷鎖失中流江南仗王謝乃與鼠輩謀遙傳故常侍遺
孽亂神州舊京猶未覆土氣鬱已囚藉卉今何所六朝襍
松楸潛行未敢哭日腳柴門收

南登白雲山巨礪萬年在老藤緣若梁蒼虬俯承蓋崩剝
傍壑深日渴陷其內我行已及巔得與飛鳥會憶自伏蓬
茨三年漸短喙曠雪猶未乾蒼茫喪蘭佩豈意瞻危巖復
窺天地大延頸始一歌林木助幽籟雲黑古西陵東望哭

再拜朱囑暮歸來迢迢關水外

山樓

日夕坐眾山空嵐不知溼太白時我前鹿巖別疏立輕雲
時往還兩山始郵接秋光無定容俯仰每不及歛然隨飛
鳥林煙各小集寒碧散空郊靜久同吐噏十里候樵蘇殘
曠未全入

山行失道

出烏石山後擬上長岡隅失道落叢棘中
竹葉刺眉路隙不縷同游者閉目偃行三

出里始

習僻厭平阡歧道入榛莽足不肯回牽拂堅初往稍進
益無天竹葉大踰掌隙處觸辦雲日腳不落壤視體若屢
松漸偃安得仰兩袖競翹張冒棘先用顙導者未識誰後
趾蹴前緬人獸盡無音但聞碎籟響三里幸出叢目光久

躑躅始見樵子行訝我反山麴

得杖

出叢棘後各選石雜坐土人俟余罷色定氣定因采竹爲杖各贈一莖乃得進

既出賀險盡瞻前乃復料小憇對古松支離類此叟策足
恥言疲終落僕夫後山人指爪強拗竹等拗莖憐余進一
莖茲意感君厚忽若當顛危倚身得奇友山魃不敢爭空
潭戰蚘蟻翼足若漸輕影逐孤雲走大謂二子云騰嶽等
培塿

自大嵩嶺上二十里至福泉精舍作

捨舟上樵徑晴眺分纖毫循塗凡屢盤獲奇隨所遭崩崖
露雲根長風勢漸饗諸巒徐束體始識身已高過雨忽足
下髮上天氣交在輿尙苦疲何況舁者勞首虐乘人車筋
力嗟爾曹斗上復稍垂豁然闢林坳老松得成鱗巖土抽

春毛梵僧構幽棲人龍同一巢入門氣得蘇豆筍羅山庖
到此慚浮名徒爲猿鳥嘲我何不徑然將家住藤梢

登望海絕頂

天風吹客上斷竹翼我身廓然老目開得見天地新大海
瀚其前萬象趨嘉門亂嶽業相持黃牛三寸蹲太空積終
古一氣還渾淪日車晝夜轉爛爛推星辰長江飄素帶巨
湖注盈盆眾川盡小心東流奉至尊卻望三神山縹緲失
金銀欲把東皇衣垂顙拂小臣陽烏忽以墮朱鳥來紛紛
安得千巫咸一一招古魂同臨晞髮叟灑涕送奇文尺五
天下語地上應不聞

慰公夜聽老僧說大龍湫余爲述其語

兩山劈相對體凹而頭出怒勢角終古欲磕僅不磕飛瀑

自頂來懸噴下離壁驚颺忽吹過左搏或右結急裹萬鼎
珠疾圍千捧雪立下觸礮巖一跌撲再跌迴颺忽吹轉圍
物上未擘磴石復一響片片始飄屑風伯大奔忙雷君喊
無歇百靈不暫停混沌至今日慰公適語我夜同老僧榻
聽說大龍湫驚起喚奇絕恍若置此中狂叫蕩魂魄足仄
不得收目瞬不計睫始歎世外奇天地偶一設老僧旣善
狀得過慰公舌慰公旣善談得入杲叟筆山神最遙待高
僧與詞伯請更說匡廬泉聲落三疊

胥潮行

八月高颺天上來胥江疊痕如山堆伍相揚威不可觸秦
皇當渡空徘徊雷驅雪擁洪濤起北赭南龕愁對峙白馬
疑奔練影中素車隱動鞞聲裏鴟夷之器未飄風屬鏤之

鉞尙吐虹野廩纔入夫差苑蔓草旋生句踐宮吳亡越霸
斯須度獨有靈胥難霽怒湧勢常愁地軸翻傾波若向天
關注胥江濤險有如此不煩鐵鎖沉江底飲馬誰教水伯
逋控弦誰使陽侯徙吁嗟乎巨壑填盈精衛石朝可枯潮
夕枯汐蘭亭夜抱冬青枝纍纍之涕不可絕

杜鵑行

春風漫漫百草綠登臺獨展傷春目惜別初彈蜀國弦懷
歸再理巫山曲巫山迢遙隔萬里怨鳥一聲空裂耳但知
今日鼃靈尊還念當時舊天子蠶叢之國闢何年魚鳧城
郭隨飄煙赤樓嵯峨不可見碧雞金雁俱茫然故國興衰
不復數中夜號呼亦何補北嚮猶哀灑血多倒懸更訴髡
毛苦世間代謝須臾事漢寢唐陵盡何處鴻雁終依歲往

來山川難促人歸去江頭細烏抑何仁千年禮節尙人臣
願採琅玕飼天種阿閣爲巢以奉君

久客歸

客行二十年記老不識少改盡故鬚眉昨夜邊塲到憶昔
城東開萬戶城口浮梁接江潁出關收魚若收租大船半
泊新安估廟前市馬金障泥古渡桃花鬪眉顰今來陵谷
何易遷夾路小坊盡草莽獨行空巷白日疑放悲西鄰一
寡姥黃門甲第當衢開老兵橫卧自稱主郭外古墳有我
親白楊樹倒供斤斧久客無家還欲行兒骨先愁不傍父
飄葉終身思本根及到誰知益酸苦幾時眞得洗甲兵盡
使流人歸舊土

死戍墓歌爲給事姜貞毅先生作

思陵望治苦若渴側席重宣故相出二十四氣誣正人首
持魁柄障白日萊陽姜公在黃門平生忠篤感至尊極論
丞相真有力要使言官氣得伸上怒赫然死不重御念直
臣心稍動且將赤棒代歐刀生謫不投人鮮獲聖朝從諫
木如流坐看雷砰電射收天威朝逐陳子壯皇恩夕召
黃道周臣琛哭辭闕下出數到宣城四十日忽傳龍御遂
升天環未及還玦未決小臣目斷燕雲下自操吳戈甲不
卸人間今已絕金雞待到黃墟方遇赦勞勞內史啼南陌
鴟鵂催歸歸不得舊館惟尋皋伯通殘命仍投閭子直三
十年來淚無數白髮青山同旦暮遺骸只葬敬亭坵萬古
漢臣死戍墓君不見先皇仗劍排閭闔臣挾秦弓侍其側
東臺給事生上書宣州老兵死殺賊念祖堂前異草生青

松壘上秋燐碧請取孤臣不死心寫向嵌巖一片碣

贈語溪曹黃門歌

記葬場侍御事也

銅人淚滴茅人嗽漢皇寢殿罽陷杜陵狼藉虎文衣秋
風劉郎看磨劍趙家冤湊一塔餅天陰啼襍馬牛聲不道
一邱蘭上土有人月黑抱冬青此時鬼伯兇如此日逼諸
君上蒿里只從野外哭忠魂誰識路旁流義髓義髓凝爲
千載碧山鵲照眼泉鳴咽家家骨煖一盞泥幾叢亂稟無
寒食語溪黃門義丈夫肯將十匱覆黃墟樹上只容栖怨
鳥田間不敢走妖狐墓石官階都不記小碑只篆嗚呼字
碑前劍草發今春何人下馬雙垂淚安得燒甌千萬堆盡
掩人間義士骸萬盂麥粥千竿紙土花開徧閭閻臺神旗
颯颯飄如雨夜中聽喚諸公語深蒙范式挽靈車多謝張

融著高履

夜望

秋氣生華漢蕭然獨望身
天空雲逐鳥夜永月依人
草木冰霜近關河烽燧頻
那堪照衰鬢涕淚共時新

平生

平生忼慨淚秋雨一尊多
島上悲龍笛江東老鷺竿
流歲月短髮送山河野眺蒼茫候何人起浩歌

眾中

眾中常默默自覺不能親
草木增新涕江山厭舊人名
宜隨世變詩尙觸時噴還
憩空牀坐低回此日身

懷祈永

到處雞聲促奇人南北身
變名吳市客結友灞陵人
舊室

青萍氣荒祠黃石神乾坤方帶甲執手幾時真

出門望友

亦知來未定束帶候柴門袖置經年字心懷越陌恩菰煙
初白港楓火漸紅村過盡南飛雁離思不可論

丁巳長夏得鄧孝威寄詩卽韻奉答

賀監祠堂下君來酬唱多野花紅照路春水綠生波鼓角
遺民聚江山名士過無言此會易千載聽悲歌
與君同避世老眼閱桑田灑淚登臺日編書閉閣年花詢
蘭里發月憶鑑湖圓可得還江上來尋詠史船

奉答嘯堂和尚

燹藥三春裏誰知巷草生衰年慙廢學近俗畏知名杖履
憑高置鶯花養老成故人誰問疾斟酌啟柴荆

憑高

幾處空城畫角催憑高暮色暫相開江流不斷龍雷動日
落斜臨墀堦來短髮三秋常望氣故人千里共登臺干戈
已隔霜前信高柳頻年雁未迴

哭履安先生

南國香蘭不復生人間難死是高名嗚呼表墓長留字慟
哭登臺未絕聲寒起千楓飄白髮悲摩一鳥下蒼冥論交
此日誰無恙舊笛音中天地冰

友人搜錄東沙公遺集感而賦詩

麥粥吞聲對夕曛重披遺草坐宵分苦吟一誦唯陽作正
議初傳丞相文片字藉公爭杲日九章得汝播靈芬千春
大義應同識此際交情總讓君

駢駢關河白日微遙看天末淚沾衣空懷東郡門人怨欲
覓西臺故客稀馬鬣十言誰表墓龍威一卷猶揚輝藉問
德祐年來事益歎人間歲月非

春日集里中耆舊於南湖之觀堂喜邱舍人含三初
歸因招入社次韻

新簪山堂魚鼓鳴杖藜相約過南城殘年方外思尋藥衰
眼人間望洗兵麥粥分厨充客飽梨花逼座照春晴異時
應續襄陽傳先敘諸公出處明

煙嶼湖南春鳥鳴垂楊幾日拂江城望中衡宇歸陶令戰
後山川過步兵古寺傳龔尋地僻故人翦韭集天晴益州
遺老今猶在重與相看鶴髮明

西陵絕句

會稽行在隔江頭不把杭州作帝州故老莫論千載事年
來吳越幾春秋

幾處樓船湖上逢半閒丞相有遺蹤天教秋壑生瑤草重
牧吳山第一峯

春雁仍飛竟不還兩湖風物總潛潛北來高士今誰在可
有人登望洛山

司馬墳前客過頻灰飛常見紙錢新豈如哭祭文山客只
有西臺甲乙人

談遷初名以訓字孺木一字觀若海甯人有棗林集

詩話孺木孝友貞介南渡時以布衣佐高禋齋相國
幕裡齋欲薦爲中書力辭不就亂後聞闕跋涉客死
平陽平生深於史學集十五朝實錄並訪求崇禎十
七年中邸報撰國權爲明別史今尙有傳鈔本詩憂
生念亂多
哀豔之音

題徐道力壁上墨梅

猶龍蜿蜒幾千尺下挾風雷噴四壁天公激怒醒長夢左
耳割入華陽洞怨血流腥涌墨雲枯鱗脫盡三江凍蒼髯
筆筆皴莓苔寒冰盡裂橫飛來長風萬里吹不落羌笛關
山易蕭索

徐曠侯先輩北上

雁陳寒馬蹄苦長安梨花半飛舞帝京空有黃金臺平津
東閣何時開綠楊依舊江南路秣陵草色袍如故春風吹
送木蘭舟秋色猶憐桃葉渡疏髯短鬢不解愁黑貂時欲
換羊裘會將對策董內史博取乘車馬少游

里婦陳氏微甚守志不嫁爲錄之

鳩聲春雨雁聲霜十畝青苗五畝桑血淚不啼殘後鏡寒

襤惟擣嫁時裳宵光辭績潛相謝苛政催租黯自傷辛苦
田家鋤笠在孤兒他日便農裝

晚錢塞庵相國

首臚元輔浙人三接踵於公更出藍敢謂裴休通梵夾誰
知宋玉弔江潭仕塗終始歸邛北皇路參差出昴南太息
人間徒搯腕早留放下一茅庵

相國晚築
放下庵

南園北渚任春風芳草淒其怨落紅骨肉斷腸俱意外江
湖觸目徧愁中韋編晚絕方詮易南史初成旣表忠欲灑
羊曇無限淚西州非復舊時同

渡江

長江駭浪限東南當日降帆有舊慚擊楫空聞多慷慨投
戈畢竟爲沈酣龍天浩劫餘孤塔海嶽書生別舊庵聞道

佛狸會駐馬豈因佳味有黃柑

廣陵

南朝舊事一蕪城故國飄零百感生柳影天涯隨去輦楊
花江上變浮萍遠山依舊橫新黛斷岸還看散冷螢今日
廣陵思往事十年前亦號承平

彭孫貽字仲謀號羿仁海鹽人有茗齋集

詩話仲謀爲觀我太僕期生子太僕死難贛州仲謀
奔赴求遺骸不得蔬食布衣二十餘年義民會堯景
始以喪還制服營葬不久亦下世詩沈壯鬱勃七言
古間作初唐體律詩亦偶涉宋法百詩爲初集嘉慶間
最先付刻又自定崇禎丁丑以前詩爲初集嘉慶間
同里張伯魁始授刪長短句刻入別下齋叢書餘
稿但有傳鈔異同互見似本分編數集羨門爲其從
弟嘗從受經當時似避忌諱未爲校錄他日有好事
者合而刻之哀然鉅
集當與松桂堂並傳

掉頭行

黃金臺成凡馬至，驂駟驟耳俱逡巡。凌雲詞客新得意，驕
嘶高馬胡由馴。彭郎掉頭仰天笑，翻身歸釣西山鱸。鱸魚
正肥蓴菜熟，痛飲三日梨花春。狂來忽走諸山上海水，一
杯莽相向觀潮起色。僕未能文園卧病人，亡恙世上文章
那足論。窮途意氣輕相讓，丈夫落落非失意。乾坤尙有容
汝地，或可披裘大澤中。不然去採湘江芰，齷齪毋爲妻子
羞。清狂不畏時人忌，長安第宅高比天。須臾烏雀羅秋煙，
黃金橫印何赫奕。指顧牛羊上墓田，以茲感慨更投筆。曳
杖歸山抱犢眠。

鄱陽湖早發

大江風雨片帆開，巨浸稽天入望迴。五老參差煙樹合，二
孤明滅白雲來。樓船尙憶沈戈日，高閣誰占作賦才。南望

滿湘更無際孤鴻欲下自徘徊

舟阻邗關

淮海盤紆道路長羈人心事正茫茫江聲白日收殘暑夜
月青天在野航孤客豈堪聞謝豹巖關何意困宏羊峭山
此去猶千里河水東流濟半黃

桐江夜泊

一路春山江影空雨添新翠落孤篷微茫小徑入雲去寺
在半天疏樹中

將西行

兵甲滿四野風雨路漫漫十步半荆棘誰言天地寬豈不
憚行役君親事辛酸大江浩無涯哀鳴急羽翰荒臺委白
骨抱此長恨端我行逢亂離豺虎塞嶺岼存亡達義命敢

怨行路難再拜別所生忍痛摧心肝游子有老親恆言客
途安揮手各努力毋爲重汎瀾

埭溪眺月

埭溪鬱蒼蒼俯見白石路夕陰斂皓月坐久不知暮鳥歸
羣籟息夜景在高樹萬物自相依流水無心住溪光受山
色寒氣動宿鷺眾響空漸生人跡杳非故悠然立深更草
滴松上露

寄如舉管辟疆

河梁與子一攜手雲在高天雁橫斗空江日落無素書千
里風塵隔杯酒憶昔避兵秦溪傍漁舟八口同倉黃荒山
橡栗飢戴釜淫雨泥塗足裹創我家兄弟半存亡枯魚淚
盡天茫茫嗟我君子憂高堂襍被翻然歸故鄉欲留不留

扁舟去欲別不別臨歧語踟躕悲歌惜晤篇六年江海各
烽煙漁人桃花隔蠻洞蜀帝炎荒叫杜鵑鍾山伐徧孝陵
柏史本竄盡思宗編君卧樸巢長卻掃搜詩自訂三唐稿
義熙處士一陶潛同谷哀歌惟杜老我行度嶺虔臺去腸
斷先臣盡忠處介推綿上只餘灰徐孺南州少遺絮天涯
蹤跡斷浮萍匿影枯桑息倦翎忽枉故人雙鯉訊挑鐙字
照三秋螢君今四十能高舉羨爾鴻妻佐春杵爲兒事親
之日長有母此身未敢許貞松堂上青扶疏不受秦官五
大夫春風藥闕雪寒牖羨君樂事無不有沈酣千日亂離
年花月七言文字友鄙人東海望清光目送南鴻一搔首
尺書爲我報相思遙折梅花爲君壽

避地村居

策杖信所適看雲歸每遲秋風伍員渡海雨鮑郎祠竹瓦
鳴松鼠魚罾立鷺鷥干戈滿天地野老欲何之

再經雞山弔開美

一卧故林月千秋同所歸生還明主意宿草寸心違山色
前朝在溪聲萬樹飛惟應知己淚獨灑故人衣

雅山遇雨

怪石礚砢鳥道危屐痕扶雨過屣屨高崖草木深秋變眾
壑陰晴萬象疑殘月吐洲孤蟀滅枯松墜子野禽飢披榛
處處尋遺跡惆悵山僧總未知

避地賁湖和緯度

窮巷幽棲罷掃除前溪殘月上方諸紅塵避地經年睡白
眼看雲萬事疏篔草屢刪詩律細圍花幾放酒尊虛還應

鄰叟時相就楊柳深村坐網魚

社日

竹裏山堂午後開櫻桃酒熱客頻來社中人少宜添燕春
半花多總讓梅晝靜棋聲連竹響香殘雲縷繞牀回塵緣
已絕閒無事抱甕疏畦手自栽

寄慰仲木亂後亡恙

相思經歲久離居咫尺山城萬里餘虎尾自驚逢柳陌魚
腸猶在恥專諸小人有母甯言死身隱無文敢著書隴上
耕夫方歎息未應憔悴老三閭

蕭山望海樓

危樓連野勢荒樹矗孤村一壑奔雷雨羣山赴海門帽簷
雲氣逼天角大江渾指顧分吳越長流屈水痕

歸思

閒階露白草離離空館蕭條有所思紅燭夜殘歸夢後黃
花人瘦倚樓時山城亂杵催寒早官閣疏鐘到枕遲孤客
獨眠聽不得梧桐葉上自題詩

應搗謙字嗣寅號潛齋錢塘人康熙己未舉博學鴻詞
有潛齋集

詩話潛齋明季諸生國變後謝絕人事閉戶不復出
沈潛性理己未大科項眉仙侍郎薦稱立身峻潔表
章六經力辭不赴試

東城步月

秋月照平畦流光皎如霰遙眺東城上一望成白練木葉
時始脫百步人影兒繞池共遨游行行過僧院僧院戶已
扃寂寂行人斷籬犬吠如豹復與疏鐘間言詠未欲歸枝

頭露已泣

潘問奇字雲程又字雲客號雪帆錢塘人有拜鵲堂詩

集

吳退庵曰雪帆一生孤寂年六十外出家天壽山後
歿於天甯寺揚州守傅澤洪葬之平山堂側爲文志

查士標也

詩話康熙丁亥遂陽傅澤洪育庵以拜鵲堂集與邢

江田梅岑埋照集合刻爲二家詩兩人生易代之際

裴衷惻愴時見於言雪帆詩格清雄五七律尤多警

句如集錢冠六山居云殘春花外磬小兩竹邊樓張

符嶽太守招集腐齋云落梅逢早蝶歸燕數春風雨

口云戍荒盤馬地沙響射狐弓野眺云蒨木寒堆雨

千峯靜立雲鄭州道中云雁鴻遠趁思鄉路鷹隼高

盤釀雪天清明後二日湖上卽事云明月到樓纔是

夜桃花無水不成春流離河上卽事云積餘野火來秋色橋

枕河聲走夕陽抵家云疑夢不眞初見母視家如客

乍歸人暮春清涼山小集云亂豕只埋千古夢青山

常弔六朝花李將軍挽詩云汗馬江湖流戰血沙場
魂魄笑歸人再謁長永諸陵云華表夕陽連宿草茂
陵寒食走飢龍子規樹老遊仙地翁仲雲深灑淚天

其嚴灘一首卽袁簡齋誤目爲張雲翼作者若甯武
將軍歌玉容歌爲思陵長公主小影作長安舊第行
西山覽古諸篇意擬錢吳才華遠遜唱歎
微旨庶幾近之選有宋詩嘔醜語見集中
讀吳梅村宮詹蕭史青門引感而有作

尙有王孫淚淒涼泣路隅吹簫朱戶冷換酒寶衣無都尉
門前草平陽第裏烏重來逢白髮面熟舊宮奴

劫火摧龍種徒餘下嫁身前朝馳道柳往事卸車塵戚里
巢新燕瓜田走庶人我吟腸斷句回首一沾巾

送梁協和歸南昌

名山如待我憤不在焚書亂世旌旄假真才禮法疏窗聯
三寸燭缺冷十年魚羨爾章江上歸來有敝廬

紅豆

故國龍孫竟杳然堂前燕子劇堪憐摧殘芳樹岐王第頽

賴春華賀老絃紅豆不忘行樂夜錦纏殊憶奉恩年因君
細數梁園事羯鼓琵琶總杜鵑

讀姜雪蒼祝髮詩漫志

三生石上厭華簪火宅蓮華尙可尋天下有絲都繡佛眼
中何事不灰心酒旗歌扇人猶在箬笠櫻鞦路已深禪院
儻能攜我去一龕勤禮象王金

天壽山

金粟堆寒石獸眠六龍腸斷草芊芊晚山躑躅開何處春
社櫻桃罷幾年黃紙禁樵新約法白頭供掃舊中涓關情
最是民間壘昨日兒孫挂楮錢

秋興

少小襟期與世違布袍時復傲輕肥爲尋無忌棲梁苑曾

弔靈均入秭歸首蓓花寒天馬病神仙字老蠹魚飢晴窗
檢點奚囊句風月年年有是非

沈謙字去矜號東江仁和人明諸生有東江集鈔

陸麗京曰去矜少喜溫李見華亭陳給事作乃規矩
漢魏蹈初盛之風致聲和而不流意真而不濫
毛

稚黃曰去矜上溯漢唐下汎

唐波操律比韻特見精妙
詩話去矜於崇禎壬午補縣學弟子鼎革後絕口不
及時事與毛稚黃張祖望陸麗京吳錦雯柴虎臣陳
際叔孫宇台丁飛濤
虞景銘稱西洽十子

雨中西洽橋泛舟至湧金門詩

微雨映朝日輕舟蕩寒煙不悟山色佳卻與幽性便虹梁
鎖深翠花塢含晚妍鼓檝翻浪蕙鷗鳧起翩翩南國綺羅
歇萬古空嬋娟寶釵變黃土尙憶同心言佳麗亮難久幽
憂詎能宣義駕不我貸行樂及盛年中流振哀竹坐客淚

如泉

情詩

驅馬出國門，攬鞭與君辭。我行豈云樂，生離有餘哀。永念平生親，流涕如連絲。况復多陰霖，行潦成汙池。駑馬已云罷，欲進忽復遲。聊復稍盤桓，故鄉猶可踰。前路邈何極，憂念生狂癡。

阻雨寄柴虎臣毛稚黃虞景明

春雨何冥冥，浮雲互相踰。童童蔽長路，車馬不得驅。故人在西南，高視綜羣書。陽春一以奏，下里徒紛如。伊余苦俗累，悠悠悵離居。棄置甯不傷，何以榮薄軀。仰視高飛鴻，安能與之俱。

晚眺

川原望不極，孤客自登臺。
落日大荒遠，平沙秋雨來。
青門生事渺，白石壯心哀。
歸思西風後，空憐作賦才。

春曉偶成

倚枕看山色，開簾愛曉晴。
客愁偏對雪，春夢不離鶯。
天地悲歧路，詩書誤此生。
不知鴻與雁，底事厭南征。

以所撰興福宮劇本授吳伶因寄伯揆商霖

玉簫金管自紛紛，鳳吹鸞歌幾度聞。
曾見春前飛白雪，敢言天上駐遊雲。
行杯綺席花爭發，秉燭銀臺日未曛。
休說爨桐人不辨，可憐垂老卻逢君。

寄諸虎男兼懷昉思

西湖攜手卽天涯，慧日峯前浪滾沙。
別後青蘋逢打鴨，到時黃柳不勝鴉。
閒心閱世頭先白，醉眼看春日未斜。
苦憶

樽前人萬里可無消息問京華

擬唐人長安春望

春衣初試覺微寒有客平原立馬看地迴煙光搖渭水雪
晴山色滿長安愁添白髮功名薄欲近青霄道路難日暮
宸遊歌吹發承恩闕下擁千官

俞鼎字日絲秀水人諸生有石函集

詩話曰絲與竹坨秋錦同時學彈文富而聲稱翳如
詩格雖未闕駿然方雅縝密致力甚深非苟作者

學春陵行

少卿牧海濱牛與犢交驅次公守潁陽神鳥集其都我無
兩賢德猥受竹使符夙興自策勵冀以答盛謨荒州介南
陘道路遙且迂巖豁相錯糾鬱鬱篁桂蕪停轅值猥狙束
帶逢麩颺不知魚米市但見蠅豕塗巨姦忽梗理荆甸爲

盜區鼓笳震九疑鋒鏑流蒼梧
竭來卽摧陷百邑無完郭
春陵抑何幸乃得免毒瘡
山昨保耕稼野老全妻孥
亮由彼賊仁刺史甯有圖
作詩見微意循綬媿久紆
何當揚休風一遣凋劫蘇

東山獨行

日射絕壁赤羣峯互相矗
生煙泄翠微羈鳥散榮木
幽徑取紫迴佛廬在巖腹
遙見僧出溪石橋人影獨
土平作新田岡缺成小屋
其間千仞屏吸嶮亦不俗
陰崖豁爲門俯瞰氣渾穆
疑有太古碑吾欲縋繩讀

登永壽寺舍利塔望岱嶽太行

南颯越千里刺眼無寸山
一登高迴處非復河衛間
乃知寶王剎峭崿俯四窺
手揮白日冷足躡青雲閒
天龍與天

馬宛在戶牖踰雙鬢一朝盡黛色如可攀直疑飛鳥外足以恣往還昔賢已自詫况我塵土顏

村落

村落猶淳古艱難假蔭宜釀錢春社日散酒夕陽時耒耜謀鄰姥衣帽報塾師朱方方帶甲好與一邱期

康小范彭燕又秦汝翼近修師同盟諸子集家仲草堂汝翼與師留宿西軒談越州事竟夕

不見甯三歲相逢且一杯黨人元節老家國子山哀脫帽當秋水飛觥歷晚雷葉潭花嶼色直映歎歌開高人還嶺表名士到江西亂後船新刺樽前袂重攜疏篁涼夜簟淡月曙窗雞滿抱冬青恨吞聲話會稽

上曹先生澂

初衣無恙芰荷青，邱壑從教白石扃。人爲花陰留好鳥，自於泉上置孤亭。雁門守至慵時款，匡嶽僧談喜夜聽。尙有洛神忘未得，紅牋繡筆賦娉婷。

清渭終南不復知，隱淪故舊獨相思。坐來祇自論魚釣，門下猶能揖馬醫。櫛具久爲桃氏賤，賜夷甯免鞞人嗤。何當軌匠勤勤及，斗藪塵冠意更遲。

周篔初名筠，字公貞，更字青士，又字簞谷。嘉興人有采

山堂詩

詩話：青士遭際時變，不治舉業，受廩賣米，府城破時，有括故家遺書鬻於市者，買得一船，積糶下，每日中交易，輒於箕筥棟椳中撥亂書讀之，窮年不息。其詩清超拔俗，醉書五言云：似士不游庠，似農曾讀書。似工不操作，似商謝奔趨。時人稱之可當一幅寫照。

醉書

似士不遊庠似農曾讀書似工不操作似商謝奔趨立言
頗突兀應事還麤疏饑凍不少顧吟詩作歡娛吾家濂溪
老厥愛性芙渠汗泥出不染亭亭紅玉膚伊余性閒靜車
服鄙雍都孰是菰蘆中奇偉生東吳兒寬精問學帶經以
耕鉏鮮終迫衰老疇昔亦有初

春夜同友人南塘散步

遠樹超寒煙孤松立清露茲夜同幽人躡月如秋暮犬聲
出深林柳陰暗漁路爽氣生薄涼水明散餘霧於懷乃曠
然會心若有悟山城疏漏沉野寺微鐘度

寄彭仲謀兼柬令弟羨門

文人更相輕此事古已然况今衰薄日趨下誰從屠釣推
貞堅鹽官獨有彭夫子汲引幽遐世無比郭泰人倫許劭

評坐合末俗敦懿執胡山天岫陽羨一書生賣藥來棲海上

城新詩滿篋不堪煮瘦妻病母愁空鐙君能裹飯相尋數

不使顛連赴溝壑屬和羊何世並稱謝家羣從多名作吾

宗福柱白門纔弱齡亦有林生枝初發硯昨者搆詩走門下

辱君獎借增光煖歸來佳詠相傳示賤子姓名蒙錄記無

鹽刻畫難作容小巫神氣徒深愧海內名高汪苑與王士

正業龔東吳偉合肥龔鼎不可當清真共挹王方伯庭雄健

皆推曹侍郎洛吁嗟我黨多貧賤朱彝李繩遠符良才華

世方見漸川隱者俞汝釋東關復老成得自干鍾鍊杜陵

堦平聲譽早著聞番禺屈子尤不羣陸嘉姜宸李因顧武及

三魏際瑞禮直上皆欲干青雲自餘才俊分超軼推挽後

先安可失讀書曾不慕浮榮僕與南村繆永同矩律令弟

孫通從知慧業深許身直欲比南金辭官處寄多幽興卜空
陶潛有素心清文秀句人爭誦博取諸家能錯綜連舍相
呼應不遲青青池草西堂共企望風流今幾春何當攜手
作情親他時儻遂觀濤約並挹瓊枝玉樹新

懷竹垞維揚

作客惟君近江都五日程開春難接面望遠獨含情綠蟻
浮杯溢紅椒映燭明不知東閣外梅蕊幾枝榮

徑山山半亭題句

琳宮望不極山半尚雲封忽斷巖前樹遙聞天外鐘結亭
人暫息題柱墨猶濃待陟凌霄去還愁冰雪重

送別沈墨庵

以我窮途淚沾君遠客衣霜清殘葉下風急斷蓬飛朋侶

分攜盡江湖生事違空憐卧巖壑重此掩荆扉

將出門奉簡蔣大鴻

會稽嘉遯擬追攀孔阮風流共往還誰分投軀將萬里翻
憐歸夢失三山塵沙那避人間世霜雪行摧客裏顏最憶
吾文勞點定夜深燈火傍禪關

曹掌公達夫彝士昆季醉歸墮水戲以此簡

蒹葭白露早爲霜乘醉歸來興益狂賀監偶然眠水底秦
風宛爾在中央浴沂此日休相笑觴洛先時去不祥靈運
只今佳句在多緣春草近池塘

村居

投閒猶復畏張羅抱剡衡門獨嘯歌遠屋竹深秋響急隔
溪山好夕陽多三年晚食充藜藿九月寒衣問薜蘿欲向

桐江尋隱逸不知何處有漁蓑

飲橘鶴樓追悼沈武功

魏水扁舟去復還春風落日叩禪關
傷心橘鶴樓頭醉不見題詩沈朗山

呂師濂字黍字號守齋浙江山陰人有何山草堂詩藁

詩話黍字裔出相家甲申後散財結客好談兵慕徐文長之爲人編歷九邊游滇南爲幕府上客後乃去之粵閩而歸其蹤迹頗奇詩豪邁不羈時寓滄桑之慨

簡邵村并煩致意樓崗令兄

絕塞得生還修髯驚半白當年驄馬聲
道路猶藉藉初逢廿四橋飛觴弄秋月
重晤苴蘭城裁綃畫奇石堆塚硬於冰
媽潤柔無骨氣勢欲飛翔風煙恍出沒
米顛首必稽李廣弓思射擣鍊可補天
煮餐或拔宅臨池饒媚姿得句果

秀發自君返白門屈指歲一隔從來曠達人只抱林泉癖
倡和況元方足以樂晨夕爲予道相思窮愁今更劇

老柏行

太華之柏高十丈我來避暑坐相向骨硬皮堅勢臨天何
異傑士老益壯依崖逼水鬱如輪一枝斜放驚心魂初疑
綠鳳銜花舞再怪蒼龍挾雨歎天之產物各有說柏也槎
枒耐冰雪不同桃柳鬪先春愛與松筠敦晚節聞爾植自
沐黔甯雅共衣冠際太平葉上常呈甘露瑞枝頭曾見彩
雲生半壁河山盟帶礪家家歌舞風前醉雨暘時若燥溼
宜草木都霑天子惠從經兵燹變風雷琪樹瓊葩付劫灰
婆娑翠色還無恙惹我靈光魯殿哀昔日孔明廟前有杜
陵野老悲歌久今朝何事到山中逢爾如逢歲寒友要知

造化豈敢私棟梁之用須待時翻愁材大人偏棄借問工師知不知

御香歌

陽羨才子陳其年逢我淮南之崇川此時天意欲舞雪狼
山五點凝寒煙凍柳僵梅渾未放約上揚州腰無纏陳也
擎出金銀顆珠圓玉滑紛盤旋誤疑海上不死藥服之或
可求神仙那識此是都梁屬薰衣隔月香猶黏世廟寵賜
顧豕宰公孫好事今誇傳試焚一丸消懣悶幽蘭叢桂圍
當筵載焚一丸解煩渴滋喉溢齒將流涎火毬半燼篆煙
綠鳳凰鬢髻翻雲端洵爲天下難得物玉蕤石葉浪值錢
憶昔吾祖參廟謀中安外攘功名優綸扉勞瘁十三載始
蒙予告林中投復賜黃金營甲第恩深養老娛春秋誰釀

西陲熾妖火未央長樂俄荒邱羣盜縱橫鬼晝哭青廛舊
物鮮遺留傭書餬口豈得已真慙弗克承箕裘請將餘香
一一收畏聞往事先生休我今從此學耨漚汗邪蕃熟滿
車篝衣食之外無他求嗚呼芳草實貽王孫羞

聽蓼菴處士彈漢宮秋

雪雲垂幕風颼颼天荒地老客倦游多君開手撫玉軫悽
清彈出漢宮秋初如洞庭下木葉復如灩澦瀉瀉寒流得無
酒徒擊別筑得無嫠婦泣孤舟又疑猿啼向空谷又疑雁
叫落高樓借問此曲聲何悲合我忽憶國破時先帝有琴
曰翔鳳玉熙宮裏常攜隨時當中秋開夕讌袁妃歛衽彈
關雎意靜指閒人月下商流羽激聲雲飛星河斜度仙人
掌鸞鶴齊鳴百子池玉槃進酒葡萄煥一揮再鼓天顏怡

須臾寇盜肆竊發夜宵食旰籌征伐無復重聞金縷衣何
曾還對絲桐月翔鳳無端霹靂鳴朱絃一一如刀截至尊
慘澹竟攢眉宮妾驚惶羣吐舌事在甲申春之初傳其說
者中涓吳不道三月十九日乾翻坤陷龍鼎湖嶧陽之桐
識治亂八音遏密鐘虞換金枝玉葉坐彫殘鳳尾誰憐應
出爨吾民從此憶薰風師曠師襄逐斷蓬臣本恨人聞苦
調依稀淚帶甲申紅翔鳳而今安在哉手琴囊鑠亦休開
亟須滿飲三百杯將愁遣去無使來

贈宗先達半隱先生

耆舊今誰在吾宗叔父行文教天下讀史故井中藏蓑笠
辭三聘琴樽促半牀非熊空有夢安穩釣溪瑣

天半峨眉雪從瞻地望高寒侵蘇武節光助呂虔刀六月

冰如玉千巖松作濤結廬塵不到猿鶴自周遭
小子飄零久羞歸總故鄉無才應哭路多事悔浮湘浪說
依劉表空思繡孟嘗不如仍麴蘖日日竹林狂

陟山頂上度重陽節

望中樓閣似仙家徙倚渾疑泛愴槎愛暝柳條依舊葉避
寒梅子盡情花不韋城上長含霧諸葛祠前爛吐霞去歲
登高無此景且拋鄉思醉天涯

吳越如今霜柏肥炎方且得緩寒衣但違吾土登樓倦欲
笑參軍落帽非客重屠沽投臭味秋誰瘦健向庭闈東來
一片傷心雁恐有鄉書莫卽飛

早發姑蘇

放舸金閶曉露晞霸圖懷古欲霑衣城邊不見要離塚草

上低看黃蝶飛

廣陵冶春詞和阮亭先生

寒食籠煙惹恨時
河山依舊對芳卮
歡人莫上梅花嶺
丞相墳前叫子規

苴蘭送春

五華寺上散斜暉
怕向江頭看翠微
多事莫如雙燕子
還銜春色故宮飛

陳洪綬字章侯號老蓮一號老遲諸賢人明監生有寶

綸堂集

詩話章侯工畫人物懶於題詠偶有所作皆於真率
中見風趣詩不存橐其老友姜綺季見章侯詩輒錄
積久成卷章侯心喜因自爲序歿後毛西河復爲之
跋朱竹垞稱其詩頗饒韻致惜流傳者寡明詩綜僅
錄其桃花馬上絕句王漁洋感舊集錄憶舊一絕末
句云神宗皇帝太平年可以怨矣全謝山題老蓮畫

云白門待詔眞界兀此頭可斷腕不屈名王爲喚美人來一笑揮毫怪咄咄酒闌午夜夢魂醒翩然而逝疑飛越誰言此老空清狂箇中心事良勃翠故都已哭鍾山陵故鄉重弔青藤碣板橋花柳逐逝波刻谿松椒傷野窟蕭疏爲寫歲寒姿春花傍得冬林苗招魂一曲萬古愁中有畸人不朽骨

陽穀縣遇賞祁之問林上庵卻寄

賞生遇陽穀爲述君高跡賣田結茅宇乃在寒山東設榻傍修竹避人入深松老僧語夜月瘦鶴舞秋風有酒能獨飲舊侶常不同卽卽與同飲者道人浮海翁書緡老莊子作詩弗求工齒豁髮尙黑食少肌猶豐體氣雖強健頤養復有功是爲隱君子悟道徹始終我復世情深乘亢不自封去家十餘里偃蹇江海中知君篤念我恨我不能從

山居

小亂入城好大亂入山便在昔用斯語於今則不然盜賊

滿山時豈能此獨全父老爲我言此地久安眠萬山擁其
後千山護其前灌木萬餘株清流繞其邊曲徑十餘里危
石懸其巔不惟山水好又有山田不惟山田好又有美
竹焉有麻果如絲有栗果如拳有梅匝茅屋有蘭可成阡
相見皆古人不分愚與賢亦少衣冠人豈復肯守錢其風
不凋薄或可免顛連吾將攜婦子釀酒樂堯天諸子漸長
大課讀兼課佃斫竹學織簾讀書功不捐無米拾橡栗聊
以續炊煙探奇既有梅採藥將學仙佩此王者香一撫猗
蘭篇

同遠林卜居山中

遠林非入山不足以娛老此山非遠林山靈亦不好遠林
非我來安得少煩惱爲我山之中多結一龕草推車雨小

兒負書一媪老筆札以資生就君學幽討所喜老得朋豈
謂身可保避亂遯海東此言何足道

飲竹溪席上與主人九元居士

春事尙未始春山得暢遊有人邀我飲況在溪東頭修竹
蕭蕭響梅花落其洲倚竹看梅罷山遠竹影稠看山野雖
曠何如竹裏幽有酒速勸我落梅青溪流興趣誠不已梅
花安可留

約王子安同入雲門爲終老之計

王老卧草間才子爲朋友才子不得留霜林泣老叟父母
之常情願子得長壽亂世之生人安用期長久君擔經幾
函我負米數斗雲門六寺間可以老死否請觀五月間干
人斷其首太史得善終文名又不可朽抱腰連手行慎弗謀

諸婦

贈沈子其

無山成僻地，獨樹得名園。
看畫不招客，灌花長閉門。
留吾好友宿，呼婦索清尊。
伯藥西園意，爲君寫此軒。

喜周元亮至湖上

獨脫烽煙地，同尋菡萏居。
半年兩握手，十載幾封書。
人壯吾新老，兵銷會不疏。
此來難久住，一笑一欷歔。

病中

病不離山水，茆堂春又深。
書從老友借，詩與小兒吟。
禹廟花期過，蘭亭上巳尋。
漫言攜藥具，煮酒勝燒金。

懷朱集老

酒泉太守老，醉翁養和藥。
囊半疎桐枕，之以死耳邊。
風自

言不死化癡龍雪夜月夜呼巴童傾杯覆碗四五通刀槩
殺聲滿虛空躡屩刺天之危峰背負鴟夷無戚容持螯牛
飲眠高松吾懷此老吾欲從

懷季栗

若耶溪頭魯太史烏帽白欄釣秋水面朋面友生不喜揮
杯勸影破屋底磨碣之宮窮鬼止奴僕隸之得無死薑粥
一杯課兒子就我移家萬山裏贈我藏書娛暮齒爲我豎
義挾精髓令我老學有端委吾懷此老五十矣我同季老
皆老耳

全綺季

松風已聞三十載卻與姜九不曾聞買個筆牀隨汝去三
生石上卧秋雲

夜雨聞杜鵑

帶雨拖風望帝鳴，無情強作有情聽。
一生通是今宵夢，不見章臺柳色青。

宿遷別陸九萬

龍華會上路茫然，誤結浮生華酒緣。
別去雖聽座上語，夕陽西下聽啼鵑。

柬登子

留得尙書舊簡編，朝暉夕照讀頽然。
有時得意嘗沽酒，燕麥花香一榻眠。

卽事

一百五日春郊行，三十六溪春水生。
千秋館裏逢雨急，射的峯前看晚晴。

偶成

菱草青青水滿湖，湖邊鵝鴨自相呼。
日長睡起捲簾坐，閒聽漁舟喚賣鱸。

懶聽門前長者車，有田堪種水堪漁。
是非不入松風耳，花落花開只讀書。

劉灼字伯繩浙江山陰人有遜齋集

詩話遜齋爲念蒙先生子國變後杜門讀書念臺嘗取小戴記重爲編次益以夏小正丹書通號禮經未及寫定遜齋終身從事此書旋即下世其子茂林始克成之

山齋自警

迷鳥不擇林，渴馬不擇泉。恆情此汲汲，志士獨未然。
盜泉豈偏濁，惡木非不饒。君子惡其名，豈爲乾餱愆。
箕陰遜許由，夷叔卧西山。雖然跡艱苦，素志不可遷。
人誰無此志，我

獨被牽纏老大嗟何及誠之貴當年

俞得鯉字天赤會稽人明諸生有種月軒遺草

景州城外

山路重關小有天招招酒旆解留仙荒城古塔凌霄漢古
樹層臺薄晚煙燈火前街人似沸雞聲寒店夜如年千般
總是征途味留得霜華到鬢邊

蒼頡墓

人心不太古忽然生蒼頡鑿破混沌元造字開知識天地
不能主鬼神徒夜泣文明世不窮荒塚銷白日

蕭中素一名詩字芷厓江南華亭人一云蕭山人明諸

生有釋柯集

詩話芷厓隱於梓人集名釋柯謂出自引繩削墨之
餘諸選多作執柯誤也集中自稱名曰中素別裁及

江蘇詩徵皆作蕭詩詩徵又引留溪外傳言本蕭山
諸生國變後居雲間爲木江觀集中冬日南村偶成
云幾家橘柚垂秋露萬里河山徧朔風秋日有懷寄
顧冰庵云絕塞曉霜來白雁空山徧朔風秋雨黃花秋懷
和陳大樽韻云舳艫夜月悲橫槩疆場秋霖未洗兵
秋居雜興云青山蹊路煙雲隔滄海波濤日夕深皆
不類鄉曲未藝語易代之際崎逸高蹈留溪外傳之
言殆信年八十作述懷詩雲間嘉禾詩社諸子用峯
字韻徵詩爲壽附刻集後曰南山集凡五十六家同
時有富冰李衣工亦能詩與芷厓齊名又有胡玉如
鐵工爲芷厓詩弟子

述懷寄余峯董得仲先生

南村有遺叟寂寞居河濱一褐常見肘數椽聊寄身所志
在不苟食力其苦辛閒來把直釣終日無纖鱗晴霞映眉
宇野水光粼粼坐久發清嘯怡然全我真古樹落高蔭遠
水懷故人於此頗有得毋謂於陵貧

柬胡玉如

十年招隱士杖策走荒蕪我癖將無偶君來始不孤於陵
還織屨南郭恥吹竽莫爲浮名悞低眉向畏途

題徐湘波儼然屋

杜曲桑麻舊隱淪草堂深掩落花津平橋古樹溪邨午宿
雨荒煙故國春一榻久懸頻歲月十年高蹈隔風塵吾儕
擬泛仙源棹攜手慙慙說避秦

秋居雜興

雲樹依然渤海東短牆蓬戶怯秋風波濤亂湧旌旂合禾
黍荒涼第宅空曲徑晚香存野菊長天寒影見征鴻郊原
獨步新愁滿一杖低回夕照中

千門柳色近蕭條白下樓臺盡絳霄江口舳艫連鐵甕月
中絃管亂銅刁高牙大纛將軍幕碧草黃雲帝子朝欲向

兩花參半偈片帆無計渡金焦

己酉除夕

寒煙漠漠雨濛濛萬井千村暮鷲中盡道歲除殘歷改因
嗟身老壯圖空辛盤佐酒猶存古草閣題詩不送窮回憶
共遊頻屈指白頭能有幾人同

馮元仲字次收慈谿人有天益山堂遺集

詩話次收在明季嘗被薦詣京師上書論時事言甚
直銓曹授以縣佐乃辭歸築室郭東山改山名曰天
益因以號其堂家故饒鼎革後貧不自聊終隱居不
出其集至乾隆中曾孫延楷始手錄付刻凡言明事
跳行空格校字諱作較蓋存稿本之舊詩多自出新
意七言律句有云忍遺虞玩之芒屨畢著陶元亮葛
中樂郊卽樹木相讓恩谷雖雞犬不驚皆以下
五字相屬爲句雖亦戛戛獨造要非正軌也

五磊寺濯錦溪

尋常花影何須濯獨有梅花心不落誰將錦字洗清流

片浮雲填夜壑石豈無言泉欲香高高下下非穿鑿聽得
煙聲萬樹籠杖頭何用誇行腳

玉泉山尋望湖亭不見云已圯矣與友飲其址

石梁過溪去木末一孤亭剩有階苔碧不知湖草青聞曾
留玉輦因共倒銀瓶酣醉尋歸路桃源付窅冥

和姜如須見貽韻

同醉水中居都忘蝕字魚熱腸初得友嬾骨止慙予一讀
驢囊句如貪鴻寶書孤山梅正好吾道引雲旗

晚晴移詩匯卷十七終